




SLOW DOWN YOU GOOSE: Piksa bilong Benji Mashall i tok klia pinis long slo daun taim yu draiv. Teksi i no bihainim tok-tok na go sut stret PMV bas i karim piksa na toktok bilong ol MVIL transpot lain. Dispela tupela pablik trenspot i bam long Tokara long bik moning long nupela yia stret, nogat man i kisim bagarap tasol, ol draiva i mekim 10-pela pusap long ai bilong ol manmeri na pikinini long Tokarara.
Poto Nicky Bernard.

Ol skul setifiket i no redi yet

Veronica Hatutasi i raitim
TAIM nupela 2012 skul yia long PNG i laik stat, klostu long hap milien

Gret 8, 10 na 12 sumatin i stap long wari bikos ol i no kisim yet ol skul setifiket bilong ol.
Na long ol dispela

sumatin husat i kisim ofa o spes long skruim skul bilong ol long ol bikipela skul olsem ol yunivesiti, ol tisa na nasing kolis, ol vokesenel na teknikel skul na ol narapela kompyuta na ol bisnis skul, em i bikipela wari long ol sumatin na ol papamama bikos ol institusen i save laikim ol orijinel setifiket pastaim long kisim ol sumatin i go insait.

Wantok i kisim ol ripot long sampela edukesen lain olsem, as long ol Gret 8, 10 na 12 setifiket i no redi yet bikos long senis bilong edukesen sekreteri klostu long pinis bilong 2011 skul yia.

"Sampela ol setifiket i gat signetsia bi-

long olpela Edukesen Sekereteri, Dokta Joseph Pagelio, taim ol narapela i gat signetja bilong nupela Edukesen Sekereteri, Dokta Musawe Sinebare.

"Olsem na ol i mas tromoim ol olpela i gat singnetsa bilong olpela Dokta Pagelio na senisim na olgeta i mas gat signetsa bilong nupela sekreteri, Dokta Sinebare.

"Mi bilip olsem dispela bai kisim taim na ol setifiket bai redi long neks mun Februeri o Mas," man i no laik autim nem bilong em, i tokim Wantok.

I go moa long pes 3

Gavman i rausim Graham Osborne - p2
O'Neill-Namah gavman em bilong pipel - p4-5



KLOSTU NAU!
117
De moa...
Enrol NAU!!



11 toea
lo wapela minit

Toktok inap yu pulap

Long 11t tasol lo wapela minit yu ken toktok wantaim ol femali na frends inap yu pinisim toktok namei long 11 kilok nait na 6 kilok lo monin.

Digicel
PNG's Biggest, Better Network.



GLOBE

...the perfect choice

VITAMIN ENRICHED

More Easy, More Tasty, More Healthy.

1 kg Rice

Gavman i rausim Graham Osborne

Aja Alex Potabe i raitim

O'Neill...i no pret long rausim Osborne. Maxtone-Graham Osborne i brukim loa. PNG Gavman i rausim o dipotim Nu Silan man, Graham Osborne long kantri bikos em i bin tingting long stilim K1.5 milian bilong PNG NRL Bid na halivim Gren Sif Sir Michael Somare.

Praim Minista Peter O'Neill i tokim Helt na HIV Minista, Jamie Maxtone-Graham, husat i bin stap Ekting Minista bilong Foren Afes, long dipotim Osborne long kantri las wik Fraide, bikos em i bin tingting long kisim dispela mani na halivim Sir Michael taim politikel hevi i bin kamap namel long Somare na O'Neill las yia Disemba long husat i praim minista bilong PNG.

O'Neill i tok gavman i no pret long rausim dispela man long kantri bikos em i bin brukim loa na mekim



O'Neill, i no pret...

samting we dispela i bagarapim nesenel sekyuriti bilong PNG.

Osborne, husat i biknem man long lukautim spots, na tu bod memba bilong PNG NRL Bid, i bin laik mekim wok mentenens long Sir Hubert Murray Stedium, na ting ting long kisim dispela mani.



Maxtone-Graham, Osborne i brukim loa..

Tasol gavman i lukim olsem em i laik kisim dispela mani na halivim Gren Sif Somare long politiks bilong en, we kain ausait man o forena olsem em i no inap long mekim.

O'Neill i tok ol forena mas stap

isi, bihainim loa bilong kantri, na mekim bisnis o wok long PNG, tasol noken bihainim pasin bilong Osborne.

Maxtone-Graham i tok Dipatmen bilong Foren Afes i gat longpela lis bilong ol ausait manmeri husat i no bihainim loa stret long kam insait, na husat i wok long brukim ol loa bilong kantri long mekim bisnis, mekim stil pasin, na mekim ol politikel samting we ol tambu long mekim long hia.

Em i tok Osborne em i wanpela bilong ol dispela kain manmeri we ol i save brukim loa bilong PNG, na ol i save ting olsem ol i stap antap long loa, na i no long taim planti ol forena bai go aut long kantri.

Maxtone-Graham i tok Osborne i no inap long mekim politiks long PNG bikos em i no PNG sitisen. Dispela i ken bagarapim nesenel

sekyuriti bilong kantri, na maski wanem kain wok em i save mekim long hia, moa beta Osborne i mas go aut long ples bilong em yet.

Osborne em yet i nau stap long Cairns, na tok em i no bin halivim Sir Michael wantaim wanpela mani bilong en.

Sir Michael na ol memba bilong en i stap long Ela Beach Hotel, we Osborne i gat haus kai na klab insait long hap.

Em i tok maski tupela i poroman longpela taim tru, Sir Michael na ol memba bilong en long dispela hotel i no kisim fri kaikai.

Em i tok ol i baim na kaikai na stap long hap. Em i tok em i no wanbel stret long gavman i rausim em long kantri, bikos em i bin mekim planti samting long sait bilong spots long PNG, na gavman inap long tok tenkyu tasol ol i rausim em.

Agiru: Osborne bai kam bek

PNG em i demokretik kantri na pasin bilong gavman long dipotim Graham Osborne i no stretpela pasin long rausim ol man.

Osborne em i no bin mekim wanpela paul pasin o brukim loa bilong kantri, tasol gavman i saspek nating olsem em i wok long halivim Gren Sif Sir Michael Somare na ol memba husat i bin stap wantaim em long Ela Beach Hotel taim politikel hevi i bin kamap namel long Peter O'Neill na Somare long husat tru i praim minista bilong PNG.

Gavana bilong Sauten Hailans, na namba tu lida bilong Somare kem, Anderson Agiru, i tok gavman i no mekim stretpela pasin long

rausim Osborne long kantri las wik Fraide, na em bai kisim Osborne i kam bek long kantri bikos em i no bin brukim wanpela loa long hia.

"Mi bai kisim em kam bek long PNG. Ol i saspek nating olsem em i halivim Sir Michael wantaim mani. Nogat stret. Em i no halivim mipela. Mipela yet i baim kaikai long haus kai bilong en long Ela Beach Hotel. Mipela yet i peim mani long kaikai na haus, i no Osborne," Agiru i tok.

Agiru i tok Osborne i bin stap longpela taim stret long PNG, na em i wanpela man husat i mekim planti gutpela samting long kirapim spots long PNG.

"Olsem wanem na gav-

man i dipotim dispela kain man? Gavman i mas stopim dispela kain pasin bikos ol i kisim PNG i go long birua hap. O'Neill gavman i no save bihainim ol loa bilong kantri. Ol i sakim tok bilong Suprim Kot na brukim bikipela Mama Loa bilong PNG. Nau tu ol i brukim loa long dipotim Osborne, husat i save mekim gutpela samting long hia na tingting lon kirapim kantri bilong yumi. Mi tokim ol, bai mi kisim Osborne kam bek," Agiru i tok.

Long wankain taim, wanpela biknem LNG papa graun long Hela i singautim Agiru long lusim sia bilong en olsem namba tu lida bilong Somare kem na joinim brata bilong en Peter O'Neill long gavman sait.

Siaman bilong nupela politikel pati, Papa Mama Graun Pati, na Siaman bilong Hides PDL 1, Simon Ekanda, i tokim Agiru long step daun o sanap ausait long Somare kem bikos em i wok long giamanim ol pipel bilong em yet long Hela na Sauten Hailans na PNG wantaim.

Ekanda i tok sapos Agiru i hat long bringim developmen long provins bilong em yet, tasol em i fit stret long bik maus nating, dispela man i ken giaman planti long PNG na bagarapim gutpela kantri bilong yumi.

Ol arapela pipel bilong Sauten Hailans tu i tok, taim Agiru i stap gavana bilong ol, edukesen, helt rot na bris na olgeta samting long provins i go bagarap pinis.

Ol i singaut strong long em long lusim Somare na joinim O'Neill, na sevim pipel stret wantaim stretpela pasin, i no snek pasin.

O'Neill i brukim planti loa stret



GREN SIF I PM...Rijinel Memba bilong Madang, Sir Arnold Amet i strong yet olsem Gren Sif Sir Michael Somare i tru tru praim minista bilong PNG na em yet i Ateni Jeneral na Minista blong Jastis. Sir Arnold i tok O'Neill i wok long brukim loa yet. **Poto: Nicky Bernard**

ILEKSEN bilong Memba bilong lalibu-Pangia, Peter O'Neill, olsem praim minista bilong PNG, i no bin bihainim loa bilong kantri na i no stretpela aninit long demokretik sistem bilong gavman.

Rijinel Memba bilong Madang, na Ateni Jeneral bilong Somare Gavman, Sir Arnold Amet i tok, long mun Ogas 2 las yia, palamen i bin brukim Seksen 104 (2) bilong Mama Loa taim Memba bilong Vanimo-Green, Belden Namah, i bin saspending stendin oda bilong palamen na tokaut olsem sia bilong praim minista Gren Sif Sir Michael Somare i stap nating.

Namah i bin makim O'Neill long kamap praim minista na palamen i bin votim em bikos Palamen Spika Jeffrey Nape i bin wanbel.

O'Neill gavman i brukim Seksen 104 (2) (d) bilong Mama Loa long mun Septemba 6 taim Nape i rausim o diskwalifaim Gren Sif Somare olsem memba bilong palamen bikos em i no bin kam harim tripela sindaun o sesen bilong palamen.

Sir Arnold i tok aninit long Seksen 104 (2) (d) bilong Mama Loa, Nesenel Kot tasol i gat pawa long rausim o diskwalifaim memba bilong palamen, na Palamen Spika o NEC i nogat pawa long rausim o diskwalifaim wanpela

memba bilong palamen.

Long Disemba 9, taim 5-man bens jas bilong Is Sipik Suprim Kot Spesol Refrens i laik hendim daun o mekim disisen long sapos O'Neill i bin bihainim loa stret long kisim ples bilong Gren Sif, Sir Arnold i tok palamen i bin brukim loa gen taim Nape i bin rausim dispela tok orait NEC i bin givim pinis long Sir Michael long May 17, 2011, long larim em i go long Singapore Raffles Haus Sik.

Dispela i bin mekim Sir Michael misim tripela palamen sindaun na Palamen Spika i bin diskwalifaim em gen olsem Rijinel Memba bilong Is Sipik, tasol Amet i tok pasin bilong Nape em i 'sab-judisi' na kontemp bilong kot bikos Suprim Kot i no bin givim aut disisen bilong Spesol Refrens yet, na tu Nesenel Kot tasol i gat rait aninit long Seksen 104 (2) (d) bilong Mama Loa long diskwalifaim memba bilong palamen.

Taim Suprim Kot laik hendim daun disisen long Disemba 12, Sir Arnold i tok, palamen i bin senisin Praim Minista na NEC Act long larim Seksen 6 bilong dispela loa i karamapim O'Neill olsem tru tru praim minista.

Long 6:30 apinun, Suprim Kot i bin painimaut olsem Sir Michael em i tru tru praim minista na givim aut 6-pela kot oda long

putim em gen long sia bilong en olsem:

1. Palamen i no bin bihainim loa stret long rausim Sir Michael long sia bilong praim minista long Ogas 2;

2. Palamen i no bin bihainim loa stret long votim O'Neill long kisim praim minista long Ogas 2;

3. Nesenel Kot tasol i gat pawa long sekim sapos sia bilong wanpela memba bilong palamen i stap nating;

4. Palamen Spika i bin brukim Seksen 104 (2)(d) na Seksen 135 bilong Mama Loa na Seksen 28 na 229 bilong Ogenik Loa bilong Nesenel na Lokol Level Gavman;

5. Tingting na het bilong Sir Michael i bin wok gut aninit long Seksen 103 (3) (b) bilong Mama Loa na Pablik Helt Act (Ch 226); na

6. Sir Michael Somare i mas go bek na kisim sia bilong praim minista gen.

Sir Arnold i tok dispela 6-pela Suprim Kot oda i bin rausim O'Neill pinis, maski palamen i senisin PM & NEC Act long karamapim O'Neill olsem tru tru praim minista, bikos sia bilong Somare i no bin stap nating.

Olsem na O'Neill i wok long brukim loa taim em i wok long tokaut olsem em i praim minista bikos Suprim Kot i rausim em pinis.

Happy Birthday

**PAOLO TIENSTEN
MATEAKU
SAKETTE**

05th January, 2012



Best wishes from the Hauslain, 2nd hauslain next door, Maino Heduru troops, KFC squad – Erima!

Special love from the Sakettes, Ninikus & Pottous of Pom, Arawa, Buka & Mt. Hagen; the Siwins of Iros (Manus), Madang, Lae & Pom.

"May God bless you on your special day!"

Awesa bai painimaut moa long Hailans Haiwe mani

MEMBA bilong Imboggu, na Minista bilong Trensport na Woks, Francis Awesa bai mekim wok painimaut i go insait long olsem wanem sampela papagraun bilong Hailans Haiwe i bin kisim mani.

Awesa i tok gavman i no save olsem wanem na bilong wanem ol papagraun bilong Hailans Haiwe long Simbu na Sauten Hailans i bin kisim mani, na em tok ol bai mekim wok painimaut long save husat tru i bin givim tok orait long givim dispela mani.

Ol Sauten Hailans papagraun i bin kisim K10.3 milian, tasol em i no save hamas ol papagraun long Simbu sait i bin kisim.

Wanpela konsalten kamapani, Mori Risos Limited, i bin wok namel long ol papagraun na gavman long givim aut mani, tasol Awesa tok gavman i no save husat i dispela konsalten kamapani na olsem wanem ol i bin stap namel long gavman na papagraun long mekim dispela wok.

Em i tok Hailans Haiwe em

namba wan rot bilong kantri we em i save sevim laip bilong trikwata (3/4) manmeri bilong PNG, na em bai painimaut sapos olgeta tru tru papagraun bilong haiwe i kisim mani.

Sapos ol tru tru papagraun bilong haiwe i no kisim mani, na ol arere man i kisim, ol tru tru papagraun bai tingting long pasim rot.

Dipela kain pasin i ken bagarapim laip bilong pipel na wok bilong kampani na bisnis manmeri tu.

Tasol Awesa i tok i gat wanpela nupela loa ol i kolim Rot Infrastraksa Proteksien Act. Dispela loa i bin kamap las yia tasol long stopim ol manmeri husat i bagarapim rot, bris na bagarapim laip bilong manmeri taim ol i ron long haiwe.

Manmeri huat i brukim dispela loa i ken peim K10, 000 fain o kisim taim long kalabus 5-pela yia olgeta.

Olsem na Awesa i tokim ol manmeri o papagraun bilong Hailans Haiwe long noken brukim

dispela loa taim ol i pasim blokim rot na distebim ol manmeri na kampani long yusim dispela rot.

Em i tok gavman i rere wantaim ol gutpela plen long kirapim Hailans Haiwe aninit long Pablik Praivet Patnasip long larim plan gutpela samting kamap taim rot stap gut.

Amerika, Japan, Australia India o ol arapela bikpela kantri bin develop hariap taim rot netwo bilong ol i bin stap gut.

Olgeta SHP memba mas joinim O'Neill gavman

Aja Alex Potabe i raitim

GAVMAN bilong Memba bilong lalibu-Pangia, Peter O'Neill, em i tru tru gavman bilong PNG. I no gat tupela gavman long PNG, na olgeta memba bilong Sauten Hailans i mas daunim ol yet na krosim floa long joinim brata bilong ol, Peter O'Neill, husat i tru tru praim minista bilong PNG aninit long loa.

Memba bilong Imbonggu, na Minista bilong Woks na Trensport, Francis Awesa i salensim olgeta 6-pela memba bilong palamen husat i kam long Sauten Hailans long noken giamanim ol pipel bilong ol yet long ples na manmeri PNG tu wantaim, olsem Gren Sif Sir Michael Somare i praim minista bilong PNG.

"Agiu yu westim taim bilong yu long kamap deputi praim minista. Somare i no laik makim yu namba tu bilong en long taim yet taim yutupela i stap long gavman. Yu mas kisim ol arapela brata bilong yumi long Sauten Hailans na kam joinim mipela O'Neill, John Keken na mi yet," Awesa i tok.

Em i tok Somare i bin bagarapim Enga pinis na nau em laik mekim ol memba na lida bilong Sauten Hailans kamap birua



KAM JOINIM MIPELA...Minista bilong Woks na Trensport, Francis Awesa i lukluk taim Praim Minista, Peter O'Neill i seken wantaim Minista bilong Nesenel Plening na Monitaring, Sam Basil long Palamen Haus. Awesa i tokim 6-pela memba bilong Sauten Hailans long joinim na sapotim O'Neill gavman.

namel long ol yet.

"Somare tasol i mekim Polye na Abal pait long kisim NA Pati lida. Nau em i laik mekim mipela birua na em i givim namba tu lida long Agiru, taim O'Neill i kamap praim minista. Em no laik givim long taim yet taim tupela i stap long gavman. Em no laik givim long Paul Tiensten o Sir Arnold Amet. Olsem wanem

na nau em i givim long Agiru, taim em i save olsem em nogat namba long kam salensim O'Neill long palamen," Awesa i tok.

Awesa, husat i kambek long Mosbi bihain long em i raun tupela wik olgeta long Sauten Hailans i tok, 99 pesen bilong Sauten Hailans pipel i luksave long O'Neill pinis na ol i laikim ol

arapela 6-pela memba long joinim gavman bilong O'Neill bikos ol pipel i hangre stret long kain sevis olsem fri edukesen, katim gavman takis mani na peim hariap LNG mani long papagraun, we O'Neill gavman i nau stat long mekim.

Em i tok Somare gavman bipo i bin brukim planti loa. Ol i bin brukim Seksen 15 na 16 bilong Mama Loa taim ol bin sainim LNG agrimen. Planti ol arapela loa tu ol i bin brukim.

Olsem na Awesa i tokim Agiru, James Marape (Tari-Pori), Francis Potabe (Komo-Margarima), Philemon Embel (Nipa-Kutubu), Isaac Joseph (Mendi), na James Lagea (Kagua-Erave) long kam joinim em yet, O'Neill na Keken long gavman sait, na maski tanim olsem ol i no save brukim loa tu.

"Yumi olgeta i ken go askim pipel long Tari, Mendi na lalibu long husat tru i praim minista. Tasol ol dispela 6-pela memba bai sem na poret long go bek long ples bilong ol yet. Wankain olsem ol i bin sarapim Agiru long Mendi taim O'Neill i bin mekim namba wan visit bilong en olsem praim minista las yia, nau tu olgeta pipel bai sarapim Agiru na ol memba bilong en, husat i hait long Ela Beach Hotel," Awesa i laf na tok.

Ol skul setifiket i no redi yet

I kam long pes 1

Wantok i bin laik kisim toktok long opis bilong edukesen sekreteri long dispela samting, tasol opis bilong em i no bin inap long autim sampela toktok long dispela, tasol i tok ol bai putim kamap wanpela pres rilis o nius long dispela samting tude, Trinde.

Long wankain taim, Wantok i bin laik kisim sampela toktok long ol 2012 skul fi sabsidi, sapos em i redi pinis na wanem taim ol bai tilim i go aut long ol skul insait long kantri.

Wanpela sinia edukesen opisa i tok ripot long dispela samting i no redi yet inap long neks wik, na olsem, em i no inap long autim wanpela toktok long dispela.

Edukesen sekta i kisim bikpela mani stret long 2012 baset o mani plen antap long dispela em i kisim long 2011 sapli-menteri baset.

Olsem na em i go hetim fri edukesen long elementeri level inap long Gret 10, taim ol Gret 11 na 12 bai peim sampela manimak tasol.

Wantok i bin laik kisim nius long Opis bilong Haia Edukesen long mak bilong ol sumatin i bin kisim ofa i go long ol yuni-vesit, tisa na nasing kolis na ol teknikel na vokesenel kolis trening, tasol opis i tok ol ripot ino redi yet inap long neks wik.

Dispela em bikos long moa sabjek we ol sumatin i bin kisim na wokim tes aninit long Autkam Beis Edukesen (OBE).

OL NUPELA POLIS

MANMERI: Ol nupela na yangpela polis manmeri kam helpim wok karimaut long nupela yia. Poto i soim taim ol pinis long patrol long Gerehu na kam bung long Gerehu polis stesen long kisim kar i go bek long polis kolis long Bomana. **Poto Nicky Bernard**



O'Neill-Namah Gavman



RERE LONG PAIT...O'Neill-Namah Gavman i stap strong na rere long pait agensim pasin korapsen. Praim Minista, Peter O'Neill i tokim pipel olsem gavman bilong en i gavman tru tru bilong ol grasruts pipel, taim Deputi Praim Minista, Belden Namah na Minista bilong Nesenel Plening, Sam Basil, i lukluk i stap. *Poto: Nicky Bernard*

Aja Alex Potabe i raitim

NUPELA yia i kam pinis na nau yumi stap long yia 2012, i no 2011. Bihain long faivpela mun tasol, PNG bai lukim ileksen 2012. Dispela ileksen bai lukim sapos nupela gavman bai kamap o nogat.

Tasol las yia, Praim Minista Peter O'Neill na ol pati lida bilong ol kolisen patna long O'Neill-Namah Gavman i tok ol bai holim han wantaim na sanap strong long halivim ol yet long kisim bek sia bilong ol na kam bek long palamen long pinisim ol gutpela samting ol yet i statim long las faivpela mun bilong 2011.

O'Neill i tok long liklik taim tasol ol i mekim planti gutpela samting long kantri na prut bilong dispela em bilong kirapim kantri na amamasim pipel bilong kantri bikos O'Neill-Namah Gavman em i gavman tru bilong pipel bilong PNG.

Dispela gavman em i no gavman bilong wan-wan manmeri, tasol em i gavman bilong olgeta 6.7 milian manmeri bilong PNG.

Praim Minista Peter O'Neill i tok gavman bilong en bai pait agensim pasin korapsen long PNG. Ol i tingting long givim fri edukenen sevis long kantri, stretim ol haus sik na helt samting, rot na bris, na stopim pasin stil na korapsen long kirapim kantri gut.

Task Fos Sweep

Namba wan samting stret

O'Neill Gavman i mekim em long rausim pasin korapsen. Ol i kamapim Invetsigesen Tas Fos Sweep (ITFS) long pait agensim bikpela pasin korapsen long pablik sekta.

Planti mani bilong pipel inap long yusim gut long mekim gutpela samting long kirapim kantri i wok long lus nating nating bikos ol pablik seven i save tanim bek na stilim mani bilong pipel.

Long rausim dispela pasin insait long PNG, O'Neill-Namah Gavman i kamapim ITFS long sekim ol pablik seven na ol arapela manmeri tu husat i bin stilim pablik mani.

ITFS i holim pinis Memba bilong Pomio, Paul Tiensten, Memba bilong Komo-Margarima Francis Potabe, namba tu sekreteri bilong Nesenel Plening, Ruby Zariga, papa bilong Kokopo bisnisman Eremas Wartoto, na ol arapela manmeri husat i bin stilim pablik mani.

I no long taim TFS bai holim ol arapela manmeri husat i bin yusim pablik mani long go visitim pastaim Praim Minista, Sir Michael Somare, taim em i bin kisism lewa sik na stap long Singapore Raffles Haus Sik.

K10.5 bilian baset

Dispela gavman i skelim pinis K10.5 bilian bilong baset 2012. Bihain long Independens, nogat wanpela gavman i bin skelim dispela kain bikpela mani long Nesenel Baset.

Tasol O'Neill gavman, aninit long Tresara Don Polye, i bin skelim dispela K10.5 bilian, we planti i bin amamas na tok em baset bilong ol grasruts pipel stret.

Dispela bikpela mani mak bai go long ol grasruts pipel long viles na komyuniti level, we developmen bai stat long hap na i kam antap.

Gavman bai yusim dispela long kirapim laip bilong ol grasruts pipel na kirapim kantri wantaim gutpela samting.

Planti bilong ol dispela mani bai go long edukenen, helt, rot na bris long ples stret.

Gavman i tok ol pipel bai lukim na pilim stret han bilong O'Neill-Namah gavman long wan wan ples bilong ol, we bipo ol i no bin kisim o lukim dispela kani mani o sevis long ol grasruts pipel.

Soveren Welt Fan (SWF)

Gavman bilong O'Neill i laikim olgeta nesenel winmani i kam long ol maining na petroleum projek long PNG long stap gut.

Planti mani tru bai gavman i kisim long PNG LNG Projek, Gulf LNG Projek, ol maining projek olsem Solwara 1 projek, Frieda River projek, Ramu Nikel-Kobalt projek, Hidden Veli Main na ol arapela maining projek olsem Poregra, Ok Tedi na Lihir tu.

Sapos PNG gavman i no lukautim ol winmani i kam long ol dispela wol-klas maining na petroleum projek, bihain o fiutsa

bilong kantri bai no inap stap gut.

Ol gridi lida i ken stilim kain ol mani. Long abrusim dispela kain paul pasin, gavman i kamap wantaim Soveren Welt Fan (SWF) long lukautim olgeta wanmani, sevim sampela bilong fiutsa na stopim inflesen long kamap.

Gavman Takis Mani

Gavman bai rausim gavman takis mani long ol wok manmeri husat i save kisim liklik foitnait pei. Ol bai rausim tu Velu Aded Takis (VAT) long olgeta stoa samting.

Dispela bai halivim ol pipel long sevim sampela mani long mekim ol arapela samting olsem bisnis.

Sapos inflesen kamap long PNG, dispela bai halivim ol manmeri long stap gut bikos pipel bai gat inap mani long baim ol stoa samting.

Wankain taim, dispela tu bai daunim inflesen bikos em bai katim daun mani mak bilong ol stoa samting. Gavman i senisim ol dipela gavman takis loa long halivim grasruts pipel long stap gut na kamapim gutpela laip.

Fri Edukenen

Fri edukenen em i wanpela gutpela polisi bilong O'Neill-Namah Gavman. Planti ol grasruts pipel na papa mama i amamas stret long arim olsem gavman bai luksave long ol pikinini bilong PNG wantaim skul fi mani.

Planti ol pikinini inap long go skul i save sot long skul fi mani na i save stap nating long ples, raun nating long strit na painim

trabol.

Sampela i save pulim mariwana, mekim stil pasin, na dring stim na hombru, na repim ol meri. Tasol taim ol i skul, ol bai no inap long bisi long mekim ol dispela kain nogut pasin.

Maski yumi gat planti ol risos olsem gol, ges, wel, diwai, na pis, kantri i save kirap taim planti ol manmeri o sitisen i skul na kisim save.

Olsem na dispela gavman em tingting strong long skulim olgeta pikinini aninit long dispela fri edukenen polisi, na kirapim kantri, stretim gutpela laip bilong pipel long bihai taim, na sevim pipel long stap gut.

Ril Istet na Haus

Mani mak bilong haus i go antap moa long ol taun na siti. Planti ol wok manmeri i slip long ol setelmen o nogut haus na i go kam long wok.

Dispela em i soim olsem i gat poveti long PNG. Tasol dispela gavman i tok aut long palamen las yia olsem ol bai stretim gen ol prais o mani mak bilong baim haus, rentim haus na baim graun tu.

Ol bai kirapim gen Nesenel Hausing Koporesen (NHC) lon bildim planti haus long larim ol manmeri i rentim o baim na ol i ken stap gut.

Nau yet mani mak bilong haus em i go antap tru tasol dispela

L go moa long pes 5

em 'bilong pipel stret'

I kam long pes 4

gavman bilong pipel i tok ol bai putim pipel i go pas na stretim ol-geta wari long ol long sait bilong haus.

Maining na Petroleum

Nau yet planti maining na petroleum projek i kamap log PNG. Ol arapela eksploresen kampani tu i resis long kisim eksploresen laisens na kam insait long kantri long painim gol, kopa, ges, wel na ol arapela mineral tu.

Politikel stabiliti sindaun gut em bikpela samting long ol foren investa o ausait bisnis manmeri long larim ol i kisim belisi na mekim bisnis long PNG.

Dispela gavman i tok em i stap long wokbung wantaim ol investa na soim stretpela rot long papa-graun na kampani wantaim long tupela wantaim i ken kisim benefit.

Gavman i sapotim PNG LNG Projek, Gulf LNG Projek, Solwara 1-dipsi projek, na ol arapela maining na petroleum projek long PNG.

Ol papagraun bilong PNG LNG Projek tu bai kisim MoA fan, ministerial komitmen, na sid kapitel mani bilong ol klostu taim tasol.



SOIM STREPELA ROT...O'Neill-Namah gavman i soim stretpela rot long PNG bai wokabout gut. O'Neill i tok tok long ol pipel taim ol kabinet minista bilong en i harim na lukluk i stap. **Poto: Nicky Bernard**

Ol memba i mas bihainim loa

GREN Sif Sir Michael Somare i tok olgeta memba bilong palamen i mas bihainim loa long olgeta samting ol i mekim bikos em i lukim olsem planti ol memba i wok long brukim loa na ol i ting ol yet i stap antap moa tumas long loa.

Sir Michael, husat Suprim Kot i bin makim gen praim minista bilong PNG, i tok putim hiumen raits bilong manmeri pas, na ol lida i noken daunim pipel bilong kantri.

Em i mekim dispela toktok bihain long Minista bilong Helt na ekting Foren Afes Minista, Jamie Maxtone-Graham i bin dipotim Nu Silan man na long taim residen bilong PNG, Graham Osborne las wik Fraide.

Sir Michael i tok ol memba i noken giaman na rausim ol man nating nating long kantri bikos

Osborne i no bin mekim wanpela samting loa i tambuim.

"Pasin bilong Maxtone-Graham long rausim Osborne i no stret. Ol i go insait nating long haus bilong en na sekim ol samting bilong en, na dipotim em hariap tru. Ol i nogat evidens na ol i no sasim em aninit long loa," Sir Michael i tok.

Em i tok ol i no givim sans long em long lukim famili na ol poroman bilong en, o long kisim mani na propeti bilong en tu.

Em i tok dispela kain pasin i ken bagarapim gutpela pasin demokresi long PNG, na karim kantri bilong yumi i go long nogut hap.

"Maxtone-Graham i wok long giaman long pablik olsem em i gat longpela lis bilong ol forena husat i no bin bihainim loa na kam insait long PNG. Em inap long

rausim ol pinis taim ol i kisim gavman long Ogas 2 tasol em i giaman na karamapim sem bilong en, bikos em save Osborne i no brukim wanpela loa tasol ol i dipotim em nating, Sir Michael i tok.

Sir Michael i tok Investigesen Tasl Fos Sweep i mas mekim wok stret na noken larim politikel lida i yusim dispela task fos long mekim ol deti wok bilong ol gavman memba yet.

"Dispela kain pasin nogut long daunim loa i noken kamap long PNG. Ol memba i noken kamap polis, loya na lida wantaim. Ol i mas save long wanem wok ol inap long mekim aninit long loa na noken wok antap long loa tu bikos yumi olgeta i stap aninit long wanpela loa tasol," Sir Michael i tok.



PIPEL I HAMAMAS...Ol gras-ruts pipel i hamamas na apim han taim O'Neill i tokim ol olsem gavman bilong en em i gavman bilong pipel stret. **Poto: Nicky Bernard**



VISITIM

UPNG...O'Neill i bin visitim Yunivesiti bilong PNG (UPNG) long mun Septemba 2011 na tokim ol sumating olsem gavman bilong en i bilip strong long fri edukesen long developim hiumen risos bilong PNG.



GIVIM LONG HELPIM: Edukesen Sekreteri, Dokta Musawe Sinebare, I sekanim Daniel Hu, I makim Tred Misin bilong Ripablik bilong Saina long Taiwan insait long PNG, bihain long Mista Hu I givim ol skul desk lam long Edukesen Dipatmen bilong tilim I go long ol rurel skul bilong helpim ol sumatin I mekim wok bilong ol long nait stadi taim. **Poto: Taiwan Tred Misin opis**

Pot Mosbi Jenerel Haus sik i sot long blut ... Askim pablik long givim blut

SINGAUT i go aut long pablik insait long Nesenel Kapitel Distrik (NCD) long givim blut long Sen John's Blut Benk we i save kisim na bungim ol blut long sevim ol laip bilong ol mama i karim na ol sik lain i sot long blut.

Sen John's Blut Benk i wokim dispela singaut long wanem, Pot Mosbi Jenerel Haus sik, i sot long blut long helpim na sevim ol mama i karim na bungim hevi na i laikim

blut na tu, ol lain i gat bikipela sik o kisim birua na ol i laikim blut long helpim ol i kamap orait.

Ol ripot i tok klostu Pot Mosbi Haus sik i sot olgeta long blut na olsem, Sen John's Blut Benk i laikim ol man, ol koporet kampani, ol sios na ol bisnis haus long donetim blut we i ken helpim long sevim ol laip bilong ol mama na siklain i stap long blut i sot hevi.

Ripot i tok Pot Mosbi Jenerel Haus sik i save laikim namel long 60 na

100 blut bek long givim ol sik lain na ol mama i karim, insait long wanpela de.

Em i tok wantaim mak long pipel i laikim blut i go antap, ol i laikim moa volandia na pipel long donetim blut long dispela taim.

Ripot i tok Blut Benk i save kisim planti blut bek long ol skul na ol edukesen institusen taim ol skul i op, tasol taim skul yia i stap pas yet, em i hat.

2012 skul yia long Namatanai sekonderi i no luk gutpela

SKUL bilong planti sumatin long Namatanai Sekonderi skul insait long Nu Ailan provins long dispela skul yia i stap long tudak, bihainim ol ripot olsem ol helt atoriti i tok planti samting long skul i bagarap na i no gutpela long ol sumatin long stap long en.

Wanpela ripot i tok ol sumatin i bin askim ol helt atoriti i karimaut

wanpela wok sekim i kamap long planti ol skul bilding i wok long bagarap na i birua long stap o skul long ol. Na tu, planti taim skul i nogat pawa na wara we i bagarapim lainim na skul bilong ol sumatin long 2011 skul yia.

Dispela i bin kamapim hevi long moa long 200 sumatin na ol tisa husat i bin painim hat long gat wara bilong kuk, dring,

waswas na wasim ol klos long taim bilong bikipela san long las yia.

Ripot i tok helt ripot i tok situesen long skul i no gutpela long pipel i stap long en na skul.

Olsem na sapos nogat samting i kamap long stretim ol dispela samting, bai hevi i kamap long ol sumatin taim nupela 2012 skul yia i stat long tripela wik i kam.

Birua bilong spak krangki nating sotim marasin

PLANTI marasin na ol samting long imejensi long Pot Mosbi Jenerel Haus sik i sot na wes nating long ol birua i no inap long kamap, tasol dring na spak longlong long selebretim Krismas na Nu Yia i kamapim.

Maski Pot Mosbi i no bin gat ol bikipela birua insait long Krismas na Nu Yia taim, ol ripot i kam long Pot Mosbi Jenerel Haus sik i tok haus sik i bin lukim na kisim tupela dai man na 14-pela man i kisim birua taim ol i spak longlong na kisim tritmen na marasin long haus sik.

Ripot i tok ol birua i kamap long ol setelmen

eria long Mosbi we i nogat kontrol long salim bia na ol narapela strongpela dring, na as bilong dispela em ol birua long katim na bagarapim bodi bilong ol man we ol i karim ol i go long Imejensi seksen long Pot Mosbi Jenerel Haus sik.

Na dispela i yusim na westim nating mani we i sapos long yusim long ol manmeri na pikinini i kisim sik tru tru, na i no long ol birua bilong spak longlong na pait i kamapim long en.

Ripot i tok long tupela i dai we Pot Mosbi Jenerel Haus sik i helpim, ol bin kisim tupela man bilong

hailans rijen i go long Imejensi seksen we long wanpela, ol bin spak longlong, pait na katkatim bodi bilong em.

Long narapela, draiva na ol poroman i bin spak longlong na pamim kar long diwai na draiva i dai.

Ripot i tok sapos ol atoriti i bin putim tambu long salim bia long Krismas na Nu Yia, bai gat sampela kontrol.

Ripot i tok em i tru olsem ol polis i bin kari-maut ol rot blok insait long siti, tasol i bin gat planti spak pati na ol spakman tumas insait long siti husat i bungim birua bikos ol i bikhet na i dring na spak longlong.

a quality product of The Coca-Cola Company

NATURE'S OWN™

Purified Water

Sapotim tokaut bilong HIV na AIDS!

Coca-Cola Amatil i makim K200,000 olsem moni mak, na mipela askim olgeta man na meri bilong Papua Niugini long sapotim dispela kempein.

Taim yu baim wan wan Nature's Own botol wara, Coca-Cola Amatil bai givim halivim long wok bilong National AIDS Council.

Get a HIV test and Plan your future Visit a today

Nature's Own 200ml is a registered trademark of The Coca-Cola Company

Ol Wantok Kompaun mama na pikinini i gat gutpela Krismas na Nu Yia

Veronica Hatutasi i
raitim

WOKBUNG na mekim samting i kamap stret insait long komyuniti, ples, kompaun, wokples na wanem hap moa i ken kamapim amamas na belgut.

Dispela em wampela samting we 5-pela famili long Renbo Wantok Kompaun insait long Nesenel Kapitel Distrik, long amamasim gut Krismas na Nu Yia bilong ol.

Ol mama long 5-pela haus i bin wok bung gut long mekim ol plen na redi long ol samting i bin kamapim gut Krismas na Nu Yia selebresen bilong ol.

Bikpela samting we ol mama na pikinini i bin redi long en na ol wok ektiviti i go long en em long wokim Krismas kerols o singsing nait long Disemba 24. Na bihain long em, liklik kaikai we ol mama yet i redim, na laspela long en, em long ol pikinini na ol mama tu i kisim presen.

Long sampela yia nau, ol mama na pikinini long Wantok Kompaun i save wokim Krismas Kerols singsing nait na pinis wantaim liklik kaikai. Tasol long dispela yia, ol bin skruim tingting i go moa na putim presen ol mama na ol pikinini i mas kisim olsem wampela nupela samting long progrem bilong ol.

Singsing Kerols nait i no save kamp nating, tasol ol mama na ol pikinini i bin save prektisim ol Krismas singsing long wampela o tupela awa long nait pastaim long Disemba 24.

Na olgeta i save putim ol waitpela klos, redim ol kendel na ol pepa wantaim ol singsing long mekim kerols singsing nait i kamap gut.

Long Sarere san taim, ren i bin pondaun na ol mama i bin wari, tasol ol bin putim samting i go long han bilong Bikman na go het long redim ol kaikai samting.

Na tru yet, nait bilong Disemba 24, i bin

kamap gutpela na ol mama i redim ol samting long statim progrem bilong Kkrismas kerols singsing long 6 kilok nait.

Ol kaikai em mipela i bungim long tupela tebol insait long Flet namba 2 taim ol presen i go long namba tri tebol.

Na mipela i putim ol mat antap long simen ausait.

Ol pikinini i amamas tru na ol i luknais stret wantaim waitpela klos ol i putim.

Long samting olsem 6.30 nait, olgeta i laitim kendol na Krismas kerols singsing i stat.

Singsing i go gut tru na nek bilong ol mama na ol pikinini i kam gut stret inap ol i singim 13-pela singsing we i pinis wantaim "We wish you a Merry Christmas".

Bihain long dispela, ol mama na ol pikinini meri i kisim ol kaikai i kam ausait long ol tebol na ol pikinini i kisim kaikai pastaim. Ol mama i sevim kaikai bilong ol papa tu na bilong ol yet.

Liklik kaikai i kamap bikpela kaikai we ol wan wan haus i redim, olsem prai rais, gris rais, potato saled, banana, kaukau, kakaruk ol i kukim long ol narakain rot, sosis, stek, ol prut na kodiel.

Olgeta i kisim gut kaikai we inap na sampela i no pinis.

Laspela long en e mol pikinini na mama i kisim ol presen we ol i rapim na putim nem bilong ol.

Bihain ol i pilaim sampela ol Krismas kerols long CD na sindaun ausait stori long sampela taim inap ol i pilim olsem taim bilong slip na olgeta i go long wan wan haus bilong ol.

Tasol ol pikinini i bin amamas stret long ol presen we ol i opim na lukim. Wankain tu long ol mama, husat i opim ol presen ol i kisim long ol sikret mama pren bilong ol.

Krismas na Nu Yia long Wantok Renbo Komapun i bin go gut stret na ol mama na pikinini i lukluk long wokim wankain long 2012 Krismas na Nu Yia selebresen.

KRISMAS LAIT...

5 MAIL KRISMAS LAIT:
Bents famili i amamas long raun na lukim ol Krismas lait long 5 Mail. Hia, ol pikinini i sanap klostu long menja o ples we Bebi Jisas i slip long en. **Poto: Lessley Bents**



LONG VOT LONG 2012 ILEKSEN

Lukim Provinsal Ilekse Menesa long givim nem bilong yu long Ilektoral Rol tude!

HAILANS RIJEN



Mista Steven GORE
Ilekse Menesa – Simbu
Telepon: (675) 535 1204



Mista Alwyn JIMMY
Ilekse Menesa – Isten
Hailans
Telepon: (675) 532 1151



Mista Johnson LEVI
Ilekse Menesa – Sauten
Hailans
Telepon: (675) 549 1378



Mista Henry KYAKAS
Ilekse Menesa – Enga
Telepon: (675) 547 1144



Mista Philip TELEPE
Ilekse Menesa – Westen
Hailans
Telepon: (675) 542 2349



Mista Sponsa NAVI
Ilekse Menesa – Hela



Mista Sale BUNAT
Ilekse Menesa – Jiwaka

MOMASE RIJEN



Mista Simon SINAI
Ilekse Menesa – Morobe
Telepon: (675) 472 3116



Misis Emily K. SIAMOLI
Ilekse Menesa – Madang
Telepon: (675) 422 2644



Mista Kila RALAI
Ilekse Menesa – Is Sepik
Telepon: (675) 456 2090



Mista Martin ANSKAR
Ilekse Menesa – Wes Sepik
Telepon: (675) 457 1178

Go long Distrik Opis, LLG Opis, o lukim Wod Kaunsela bilong yu long sekim sapos nem bilong yu i stap long Ilektoral Rol.



Raun Lukim ol Meri na Pikinini

KRISMAS LAIT: Ol Bents pikinini bilong Renbo Wantok kompaun i amamas long raun lukim ol Krismas laip bilas long 5 Mail, NCD. Stat long las yia, Gavana bilong NCD, Powes Parkop, i mekim samting long amamasim ol famili insait long NCD i ken go raun na rileks lukim ol lait long taim bilong Krismas na Nu Yia.

Poto: Lessley Bents.



LONG VOT LONG 2012 ILEKSEN

Lukim Provinsal Ileksen Menesa long givim nem bilong yu long Ilektoral Rol tude!

NIUGINI AILANS RIJEN



Mista Terence HETINU
Ileksen Menesa
– Is Nu Briten
Telepon: (675) 982 8357



Mista Joap VOIVOI
Ileksen Menesa
– Wes Nu Briten
Telepon: (675) 983 5484



I NOGAT
Ileksen Menesa
– Manus
Telepon: (675) 970 9494



Mista Edward KONU
Ileksen Menesa
– Nu Ailan
Telepon: (675) 984 2317



Mista Reitana TARAVARU
Ileksen Menesa
– Buka
Telepon: (675) 973 9369

SAUTEN RIJEN



Mista Cyril RETAW
Ileksen Menesa
– NCD
Telepon: (675) 321 2053



Mista Kila EGABA
Ileksen Menesa
– Sentral
Telepon: (675) 321 2053



Mista David WAKIAS
Ileksen Menesa
– Oro
Telepon: (675) 329 7167



Mista Peter MALAIFEOPE
Ileksen Menesa
– Westen
Telepon: (675) 654 9307



Mista Dadu DAGA
Ileksen Menesa
– Milen Be
Telepon: (675) 641 0355



Mista Tore POEVARE
Ileksen Menesa
– Galp
Telepon: (675) 648 1074

Go long Distrik Opis, LLG Opis, o lukim Wod Kaunsel bilong yu long sekim sapos nem bilong yu i stap long Ilektoral Rol.



SELEBRET: Ol mama long Zaka Luteran Sios Seket, Finsafen, long Morobe provins i putim gutpela bilas na selebretim 100 yia taim ol namba wan misinari long kantri Gemeni i planim lotu long hap.

Poto: Paulus Tali

Sanap strong wantaim long prea na bilip

Veronica Hatutasi i raitim

LONG dispela kain taim bilong hevi, ol meri long dispela kantri i kisim askim long sanap wantaim long strongim prea na bilip bai daunim ol hatpela taim yumi stap long en.

Presiden bilong desk bilong ol Kristen Meri wantaim PNG Kaunsel bilong ol Sios, Louise Werner, i tok.

“Moabeta olgeta meri long dispela kantri i sanap strong long bilip bilong ol long dispela taim hevi i stap long naispela kantri bilong yumi. i moabeta yumi bilip na pre long God bikos em tasol i

bosim olgeta samting na em i gat kontrol long kantri bilong yumi.

“Yumi mas givim tok tenkyu long Bikman long givim yumi gutpela kantri i pulap long ol risos, ol busgraun, ol animal, ol wara, ol pis long yumi i kaikaim i stap. Na moa yet, yumi givim tok tenkyu long God long bikpela laik pasin em i gat long yumi na givim wanpela pikinini tasol bilong em, prins bilong gutpela belisi pasin (Isaiah 9:6) long mama i karim em long Krismas De olsem Sevia bilong yumi. Dispela em i bikpela presen bilong yumi,” Mis Werner i tok.

Ol papagraun i laikim stia

...Mas lukautim gut ol samting

I GAT wari long bikpela mani we ol papagraun long ol PNG LNG projek eria i kisim i no helpim ol long mekim gutpela samting, tasol kamapim ol bikpela hevi long ol ples na taun.

Olsem na ol papagraun i mas kisim skul na awenes long yusim gut bikpela mani ol i kisim, na tu, soim rispek long ol narapela manmeri i stap klostu long ol.

Asbisop bilong Pot Mosbi Katolik Daiosis, John Ribat MSC, i tok olsem long Krismas toktok bilong em i go long kongrikesen na ol narapela manmeri long dispela kantri.

Asbisop Ribat i tok long nesenel level, ikonomi o wok mani bilong kantri i go gut na kantri i kisim gutpela samting bikos long PNG LNG projek, tasol ol pipel long projek

eria i mas kisim stia long stap gut, na yusim mani long kamapim gut laip na sindaun bilong ol na komyuniti bilong ol.

“Projek i promisim planti gutpela samting we pipel bai kisim long en, ol pipel bai laikim planti stia na helpim long stap gut. Ol bai laikim stia long gat gutpela laip na wanem samting ol i ken mekim long kisim ol gutpela samting long envairone ol i stap long en na tu, luksave long wanpela narapela,” Asbisop Ribat i tok.

“Long Nesenel Kapitel Distrik, yumi wok long lukim ol developmen we i strongim ol wan wan man, ol famili na komyuniti long lukautim gut ol samting na kamap ol papa long ol wok i kamap insait long siti bilong mekim ples i luknais, moa yet long redim ples lolksem long

Jack Pidik Pak long Krismas taim”, Asbisop Ribat i tok.

Em i tok ol famili na pipel i kamap long Pak long lukim na harim ol spiritual na awenes program bilong helt na ol narapela isu we i gutpela stret.

Em i tok planti developmen i wok long kamap insait long ol distrik na provins, na pipel i mas lainim long amamas long ol na lukautim gut ol developmen i wok long kamap long gutpela bilong ol.

Long wankain taim tu, Asbisop Ribat i toktok long nupela samting i wok long kamap na em i kamapim bikpela wari long sosaiti na komyuniti.

Dispela em long mak bilong ol pikinini i gat HIV na AIDS i wok long go bikpela.

“Long dispela nupela samting, ol

pikinini i no kisim HIV na AIDS long ol mama bilong ol, tasol long “child sexual abuse” o long pasin bilong bagarapim na mekim pasin i no stret long pikinini.

“Moa long dispela, em ol “Suga Papa” i wok long go bikpela. Dispela em ol yangpela pikinini meri i gat 12-pela krismas we ol bikpela manni save grisim ol long mani na poroman na slip wantaim ol. Ol liklik pikinini meri i kisim HIV na AIDS long dispela rot.

“Ol hauslain, pren na komyuniti, yupela i memba bilong ol kalsa grup na yupela i stap long ol Kristen komyuniti bilong yupela i gat wok long lukautim na sapotim ol pikinini,” Asbisop Ribat i tok.

Long sait bilong korapsen, As-

bisop Ribat i tok bikpela korapsen i stap long gavman na ol dipatmen, tasol i gat ol sainmak olsem nupela gavman i mekim sampela gutpela samting long daunim pasin korapsen we pablik i wet long lukim.

“Yumi mas wok bung wantaim wantaim ol lain i statim ol wok long dispela. Na wok bilong olbai strongim yumi tu long wok bilong kamapim senis bai gutpela long yumi na kantri,” Asbisop Ribat i tok.

Em i tok taim yumi stap long hevi, kros na nogat bilip long go hetim laip, yumi nidim ol lida bilong yumi long kamaut na lukim ol hevi na kain laip pipel i gat olgeta de.

Em i tok yumi makim ol lida long lukautim na sevim yumi na tu, lukim ol samting i wok long kamap stret.

Bel-isi na amamas bilong Krismas long Mirap Peris



Ol Kristen manmeri i kamaut long Saint Pau, Mirap Peris long Kaminkum bihain long Krismas moning Sande misa.. Foto: James Kila

James Kila i raitim

PAPUA Niugini em Kristen kantri na dispela i stap insait long Mama Lo o Konstitusen bilong kantri bilong yumi.

Long las wiken, PNG i amamasim Krismas wantaim selebresen i kamap long kaikain rot na stail long planti ol rurel ples na taun insait long kantri.

Ol Krismas komyuniti insait long kantri i tingim Krismas olsem spesel de bikos Mama Maria i karim Jisas Krais, husat i kamdaun long graun long peim sin bilong yumi ol manmeri.

Sen Paul Katolik Sios, Mirap Peris long Sumgilbar sab-distrik long Madang provins i amamasim

krismas wantaim gutpela spirit tru.

Long Sarere nait i bin gat bikpela lotu i kamap we i lukim olgeta lain bilong ol autstesen bilong Mirap Peris i go bung long Kaminkum we aus lotu bilong Sen Paul i stap long en long mekim lotu bilong Krismas. Ol Katolik manmeri bilong ol ples olsem Mirap, Karkum, Dimer, Tokain, Malas, Gamenking, Domoken, Basken na ol arapela ples i bung long Kaminkum long bikpela lotu.

Eria long Kaminkum we Santu Paul Sios bilong Mirap Peris i stap long en i pulap tru long ol manmeri husat i bung long se-

lebretim Krismas lotu.

Dispela lotu bilong Krismas i mekim ples i stap isi na bel-isi na amamas bilong Krismas i stap insait long komyuniti na nogat nois o pasin bilong spak na bikhet i no bin kamap.

Krismas lotu long Santu Paul, Mirap Peris i lukim tu ol sampela yangpela manmeri i kisim blesing o luksave long wok bilong ministrant. Dispela em wok we ol yangpela i save halivim ol pater long wok bilong holim misa na mekim lotu.

Long dispela nait tu i bin lukim ol sampela pilai na ol gutpela singsing bilong Krismas we i kam gut tru wantaim stail na naispela kala tru. Planti ol

yangpela na tu ol lapun i amamas na spirit bilong Krismas na Kristen bilip i muv stret long dispela nait.

Long Sande moning long Krismas De stret, i bin gat lotu tu na bihain long lotu, ol lain ministrant i mekim sampela drama o pilai we i stori long skul bilong Baibel.

Dispela Krismas long Mirap Peris eria long not kos long Madang provins i bin gutpela tru bikos nogat ol bikpela hevi o trabel long sait long bikhet pasin i kamap. Planti ol lain i go lotu na tingim olsem lotu em bikpela samting long laip bilong ol na rispek long Papa God long taim bilong Krismas.

Zaka Lutheran Seket selebretim 100 krismas

MOA long 8,000 Kristen manmeri i bin bung long Zaka Lutheran Sios Seket long Finsafen, Morobe provins, i bin selebretim 100 krismas taim ol namba wan misinari i bin kisim Gutnius bilong Bikpela i go long ples bilong ol long yia 1911.

Selebresen i bin kamap long krismas wik na dispela i bin bringim moa amamas taim ol Kristen long 7-pela peris insait long Zaka Seket olsem Koabasu, St Sabo, Tuka, Mayam Nanges, Onga, Zamai na Duka i bin bung wantaim ol misinari ges bilong Gemeni, ol lain long Lutheran Sios het opis long Lae na ol narapela Kristen husat i bin go long amamasin 100 yia selebresen bilong lotu long hap.

Long 6-pela ges bilong Gemeni i bin stap insait long dispela 100 yia anivesari selebresen em misinari Helmut Hondarch, meri bilong em, namba wan pikinini bilong em Hedger Hondarch, meri na pikinini

meri bilong ol bilong ol, Lindi Hondarch.

Lapun Helmut i bin wok misin long Zaka moa long 50 krismas i go pinis, long yia 1957 inap long 1965, tasol em i gat strong we God bikpela i lukautim em gut na em i kam long wite-nesim selebresen ya.

Narapela ges bilong Gemeni i bin kamap long selebresen em long misinari volantia, bilong Logaweng, Martin Lehe, husat i bin wok long Logaweng Seminari long Finsafen.

Morobe Gavana, Luther Wenge, na delegesen bilong em tu i bin kamap long dispela selebresen long amamas wantaim ol Kristen na selebretim biked bilong ol wantaim lotu na ol narapela ektiviti pastaim na bihain long en.

Opening seremoni i bin kamap long Toyare praimeri skul we Ol yangpel bilong Zaka i putim ol kriektiv danis na resim plak taim ol liklik Sande skul long 7-pela

peris i bin soim tru kala na stail bilong ol taim ol i pilaim tambarin long ai bilong ol Yakora Kristen. Wokabaut bilong sios, em i no isi long bihain long namba wan misinari bilong Gemeni, Karl Marinda, na 5-pela misinari i bin go kamap na bringim Gutnius long Zaka.

Ol yangpela i bin putim kamap pilai drama long wokabaut na kamap bilong ol namba wan misinari i go long Zaka we ol bin go wantaim strong na pawa bilong lait bilong God na kisim tok tru long Gutnius we i sanapim faundesen bilong Kristen Sios long Zaka tude.

Wanpela bikman bilong Zaka em Reveran Mangiri, i tok ol Zaka i mas amamas long tok bilong God, we i strongim ol Kristen na em i tok tenkyu tu long ol namba wan misinari, i bin bringim Gutnius i go long Zaka.

- Paulus Tali i raitim



Zaka Lutheran Sios Seket long Finsafen, Morobe provins, i bin selebretim 100 krismas taim ol namba wan misinari i bin kisim Gutniuskam long ples bilong ol long yia 1911.

SOMARE OR O'NEILL?

Who is the lawful prime minister?

Welcome back to the Sabina Column.

Please, accept our apologies for the last 4 months of silence. Your favourite columnist was unable to maintain the column due to commitments elsewhere. But our time away has also been a time of reflection, and analysis.

Now that we are all back, let us see what we have missed out on.

And please, accept our apologies.

The most obvious drama that has kept this nation on its toes, has been the political fracas that unfolded on the floor of the National Parliament on August 2, 2011. It has been four months, and one day is a long time in PNG politics, it seems. So let us start at the beginning.

What happened on the floor of the Parliament on the 2nd day of August, 2011?

According to the media, and the Court proceedings that followed, what happened was that at about 2pm on the above date, Belden Namah, the Member for Vanim-Green, moved a motion in Parliament declaring that there be a vacancy in the Office of the PM. Then Namah moved a second Motion that Peter O'Neill be appointed PM to fill that vacancy, and that motion was successful in that about 70 voted "yes" and 24 voted "no". Thus, O'Neill was marched down to the Office of the Governor General, where he was sworn in as the PM.

Following that, the East Sepik Provincial Government filed an application in the Supreme Court on the 5/8/2011, requesting the Court to rule that Parliament had no powers under the Constitution to create a vacancy in the Office of the PM whilst Sir Michael was away on medical grounds, and in his absence, there was an Acting Prime Minister exercising all the powers and functions of the PM's office.

Thus, the principal question before the Supreme Court, was whether there was a vacancy in the Office of the PM on the 2nd day of August, 2011.

And the related question was whether Parliament had any reserve powers under the Constitution to create a vacancy in that Office, despite the fact that there was no such vacancy.

On December 12, the Supreme Court, comprising 5 most senior judges, was divided 3 against 2 on both the above questions.

The Chief Justice, Salamo Injia, ruled that Parliament had no power to declare a vacancy in the Office of the PM where that office was occupied.

And in cases where there is no such vacancy, the Court further held that Parliament does not have any reserve powers to create a vacancy.

Thus, the Supreme Court made the following Orders:-

1. The Hon Sir Michael was not lawfully removed from Office as the Prime Minister on 2 August 2011;



2. The Hon Peter O'Neill was not lawfully appointed as the Prime Minister by Parliament on 2 August 2011;
3. The National Court has exclusive jurisdiction as to whether the seat of a member has become vacant;
4. The Speaker's decision of 6th September 2011 to declare that Sir Michael Somare had lost his seat was in breach of Constitution ss 104(2)(d); s 135; and ss 28 and 229 of the Organic Law on National and Local Level Government Elections;
5. The Hon Sir Michael is not a person of unsound mind within the meaning of s 103(3)(b) of the Constitution and the Public Health Act (Ch 226);
6. The Hon Sir Michael Somare is restored to Office as Prime Minister forthwith.

DATED this 12th day of December, 2011.

Salamo Injia CJ, Salika Deputy CJ,
Sakora J, Kirriwon J, Gavara Nanu J.

The above are word for word copied from the Orders of the 5 Judges who comprised the Supreme Court. What are the legal effect of the above Orders?

Take Orders 1, 2 and 6 above. The legal effect of these three Orders is as follows:-

- A. Sir Michael was at all material times the lawfully appointed Prime Minister of PNG.
- B. The purported appointment of Peter O'Neill as the Prime Minister on August 2, 2011 was null and void and of no legal force or effect.
- C. Because Sir Michael was never removed lawfully, he is restored as the lawful Prime Minister of Papua New Guinea.
- D. And this Order 6 by the Court is backdated to August 2, 2011, which means that since the 2/8/11, Peter O'Neill was acting illegally as the Prime Minister.
- E. And the above applies equally to all his

Ministers so that since August 2, 2011 Papua New Guinea was governed by an illegal government.

Looking back at the events of August 2nd, you will see that what Namah had done, was to move a Motion in Parliament declaring that by virtue of Section 142(2) and Schedule 1.10(3) of the Constitution and the "inherent powers" of the Parliament that there be a vacancy in the Office of the Prime Minister.

Following the tabling of that Motion there was no accompanying Statement of Facts by Namah stating his reasons for the Motion, and there was no debate by Parliament on the propriety of that Motion. The Motion was moved, seconded and accepted on the voices. Then after the statement that there be a vacancy, the Speaker accepted Peter O'Neill's nomination as the Prime Minister. After it was seconded, nominations closed and a vote (head count) was taken, after which it showed that some 70 members were in favour and 24 against. Then they rushed to the Government House and were sworn in by the Governor General, Sir Michael Ogio.

Section 142(2) of the Constitution says there are two occasions when a Prime Minister may be appointed by Parliament.

The first occasion is soon after the National Elections.

And the second occasion, is whenever there is a vacancy in the Office of the PM, then Parliament may appoint a PM to fill that vacancy.

However, there is nothing in the Constitution that gives the Parliament power to create a vacancy in the Office of the PM whilst that Office is occupied by an incumbent PM and where he is out of the country, that Office may be filled by an Acting PM.

In this particular case, Sir Michael was away overseas in hospital, and in his absence, Sam Abal was the Acting Prime Minister. Therefore, there was no physical or legal vacancy in that Office. And where there is no such vacancy, Parliament has no power under the Constitution to dismiss the PM or the Acting PM and to appoint another PM as they tried to do on August 2nd.

Schedule 1.10(3) of the Constitution that Namah relied on to declare a vacancy, has no relevance and does not help his case. This provision simply says that where a constitutional provision grants a power to make an appointment, then it can also be assumed that there is also the power to undo that appointment.

It means largely that where there is power to hire someone, there is also the power to sack that person hired.

However, in our case, Section 142 is the one that Parliament must follow to make any appointment and not Schedule 1.10(3). The Court held that Parliament had breached Section 142 of the Constitution when the members appointed Peter O'Neill as the PM whilst Sir Michael was still the lawful PM and in his absence the Office was filled by an Acting PM.

The final point to note is that Parliament does not have any "inherent powers" under the Constitution to hire and fire Prime Ministers.

There is no such thing as an "inherent power" of parliament. Only the Courts of law have "inherent powers" in the exercise of their jurisdictions as courts of law. The Constitution has not endowed the Parliament with that power or privilege.

The PNG Constitution is the Mama Law. The Parliament has only such powers as are spelt out in the National Constitution. The Parliament has no power or "open licence" to allocate itself powers not spelt out in the Constitution.

Secondly, there is no such animal in the PNG Constitution known as "parliamentary supremacy". In this country, Parliament is not supreme. In this country, only the National Constitution is supreme.

Thus, for any member of parliament to suggest that the Parliament is supreme, is all a lot of hogwash.

Yes, in England, the concepts such as "parliamentary supremacy" or "sovereignty of parliament" are used to connote the fact that it is their King or Queen in Parliament who has the competence, according to the UK law, to make or unmake any law on any matter so that no court of law in the UK is competent to question the validity of any law passed by the UK Parliament. And they do not have a written constitution there in the UK. They have an unwritten constitution characterized by conventions, traditions and practices which all have the effect of law.

NO lawyer in PNG worth his/her salt is competent to speak of "parliamentary supremacy" or "parliamentary sovereignty" in respect of the PNG National Parliament.

Yes, in a limited sense, the Parliament may be supreme, but such supremacy, if any, is subject to the Constitution.

The only institution in PNG that is supreme, is the National Constitution.

Therefore, Parliament has only such powers and functions as are spelt out in the Constitution. There is no "extra" bag of constitutional power under the heading, "inherent powers". This is only a figment of the imagination of our members of parliament and their batch of lawyers who advise our MPs what they want to hear and not otherwise.

And the only other institution in the country vested with constitutional powers to interpret and apply the laws of Papua New Guinea is the Judiciary, meaning the law courts of Papua New Guinea. And in respect of the National Constitution, Sections 18 and 19 vest such powers in the Supreme Court which has "exclusive" jurisdiction to the exclusion of any other courts to interpret and apply the Constitutional laws of this country. Thus, under our Constitution, it is the Supreme Court which has the final say, meaning, it has the power to interpret and apply the Constitution, and nobody else, including the PNG Parliament.

SOMARE O O'NEILL?

Husat em praim minista tru long loa?

WELKAM bek long Sabina's Kona.

Bikpela tok sore tru long ol mun i lus, na yumi no stori. Em i hat liklik long raitim pas long dispela kolum, tasol mipela i no silip. Nogat. Ai i op, tingting i wok, na bel tu i kirap long ol samting i kamap long las fopela mun.

Orait, nau yumi kam bek, bai yumi glasim gut dispela askim antap.

Namba wan bikpela samting i bin kamap na i pulim tingting bilong yumi olgeta, em pasin politiks i kamap long Nesenel Palamen long Ogas 2, 2011.

Fopela mun i lus pinis, na yumi mas go bek long wanem samting i bin kamap long Ogas 2.

Long dispela de, long 2 kilok apinun, Belden Namah, Memba bilong Vanimu-Grin, i muvim mosen long Palamen long tok olsem i nogat man i holim opis bilong praim minista. Bihain Namah i muvim wanpela namba tu mosen olsem Peter O'Neill bai kamap Praim Minista long inapim dispela wok na opis. Dispela namba tu mosen i kisim 70 vot i go 'yesa' na 24 i tok 'nogat'. Olsem na ol i kisim O'Neill i go daun long opis bilong Gavana Jeneral, we em i mekim tok promis long wok PM.

Bihainim dispela, Is Sepik Provinsal Gavman i failim wanpela aplikesen long Suprim Kot long Ogas 5, we ol i askim Kot long rulim olsem Palamen i no gat pawa aninit long Konstitusen o Mama Loa long kamapim vekansi o tok i nogat man i holim sok PM, taim Se Michael i sik na i stap ausait long kantri. Na taim em i no stap, i bin gat Ekting Praim Minista i holim olgeta pawa bilong PM.

Olsem na bikpela askim long ai bilong Suprim Kot, em sapos i bin i gat vekensi long opis bilong PM long Ogas 2, o nogat.

Narapela askim long dispela, em sapos palamen i gat sampela hait pawa i stap aninit long Konstitusen long kamapim vekensi long dispela opis, maski i nogat vekensi i stap.

Long Desemba 12, Suprim Kot, we i gat faivpela moa sinia jas i sindaun long en, i bin bruk 3 agensim 2 long dispela tupela askim.

Sif Jastis, Salamo Injia, i rul olsem Palamen i nogat pawa long diklerim vekensi long opis bilong PM, taim opis i

gat man i lukautim i stap.

Na taim i nogat vekensi, Kot it ok moa olsem Palamen i nogat risev pawa long kamapim wanpela vekensi.

Bihainim ol dispela tingting, Suprim Kot i givim ol dispela Oda:-

1. The Hon Sir Michael was not lawfully removed from Office as the Prime Minister on 2 August 2011; (Rausim bilong Honorabel Sir Michael long Opis bilong Praim Minista long Ogas 2, 2011 i no bihainim loa)

2. The Hon Peter O'Neill was not lawfully appointed as the Prime Minister by Parliament on 2 August 2011; (Makim bilong Honorabel Peter O'Neill olsem Praim Minista we Palamen i mekim long Ogas 2, 2011, i no bihainim loa)

3. The National Court has exclusive jurisdiction as to whether the seat of a member has become vacant; (Nesenel Kot i gat pawa long tok sapos sia bilong memba i kama veken o i nogat man i holim, o nogat.)

4. The Speaker's decision of 6th September 2011 to declare that Sir Michael Somare had lost his seat was in breach of Constitution ss 104(2)(d); s 135; and ss 28 and 229 of the Organic Law on National and Local Level Government Elections; (Disisen bilong Spika long Septemba 6, 2011, long diklerim olsem Sir Michael i lusim sia bilong em i agensim Konstitusen seksen 104(2)(d); seksen 135; na seksen 28 na 229 bilong Ogenik Loa long Nesenel na Lokol Level Gavman lileksen)

5. The Hon Sir Michael is not a person of unsound mind within the meaning of s 103(3)(b) of the Constitution and the Public Health Act (Ch 226); (Honorabel em i no man i nogat gutpela tingting insait long min-



ing bilong seksen 103(3)(b) bilong Konstitusen na Pablik Helt Ekt (Sapta 226)

6. The Hon Sir Michael Somare is restored to Office as Prime Minister forthwith. (Honorabel Sir Michael Somare i mas go bek long holim wok Praim Minista nau)

DATED this 12th day of December, 2011.

Salamo Injia CJ, Salika Deputy CJ, Sakora J, Kirriwon J, Gavara Nanu J.

Dispela ol tok antap (long tok inglis), em ol Oda stret bilong faivpela jas husat i sindaun long dispela Suprim Kot bens.

Ol dispela Oda i min wanem aninit long loa?

Yumi lukluk long oda 1, 2 na 6 antap. Aninit long loa, ol dispela Oda i minim olsem:-

1. Sir Michael, long olgeta taim, i bin stap Praim Minista bilong PNG.

2. Makim bilong Peter O'Neill olsem Praim Minista long Ogas 2, 2011 i nogat strong aninit long loa.

3. Bikos rausim bilong Sir Michael i no stret aninit long loa, em i go bek gen olsem Praim Minista bilong Papua Niugini, aninit long loa.

4. Na dispela Oda 6 Kot i mekim i go bek long de Ogas 2, 2011, we i minim olsem bihain long Ogas 2, 2011, Peter O'Neill i bin Praim Minista, tasol em i nogat luksave aninit long loa.

5. Dispela oda antap i karamapim tu olgeta minista bilong em i kisim wok na makim, olsem na long Ogas 2, 2011 i kam inap nau, PNG i bin stap aninit long lukaut bilong wanpela iligel o gavman i no bihainim loa.

Lukluk bek long ol

samting i kamap long Ogas 2, yu bai lukim olsem samting Namah i mekim, em long muvim wanpela Mosen long Palamen we i diklerim olsem bihainim Seksen 142(2) na Skediul 1.10(3) bilong Konstitusen na ol 'inherent powers' bilong Palamen, i gat vekensi long Opis bilong Praim Minista.

Bihain long em i tebolim dispela Mosen, i no bin gat wanpela Stetmen ov Feks i go wantaim, long tok klia long ol as bilong Namah long kamapim dispela Mosen, na i nogat dibet o tokpait i kamap long dispela mosen na strong bilong en.

Ol i muvim Mosen, ol i sekendim, na tok oraitim wantaim maus. Bihain long toktok olsem i gat vekensi long sia bilong Praim Minista, Spika i tok oraitim nominesen bilong Peter O'Neill olsem Praim Minista. Bihain long ol i sekendim, ol nominesen i pas, na ol i vot (kaunim ol het), na vot i soim 70 memba i tok oraitim, na 24 agensim. Bihain ol i spid i go long Gavman Haus na Gavana Jeneral Sir Michael Ogio i givim tok promis bilong ol.

Seksen 142(2) bilong Konstitusen i tok i gat tupela rot Palamen i ken makim praim minista.

Namba wan rot em bihain long nesenel ileksen. Na namba tu rot em taim i gat vekensi o i nogat man i sindaun long opis bilong PM, orait, Palamen i ken makim wanpela PM bilong inapim dispela spes.

Tasol i nogat samting insait long Konstitusen we i givim pawa long Palamen long kamapim spes insait long opis bilong PM, taim dispela opis i gat man i sindaun long en, olsem PM we em i stap aut long kantri, na ekting praim minista i ken holim dispela wok.

Dispela taim, Sir Michael i bin stap ovasis long haus sik, na taim em i no stap, Sam Abal i bin Ekting Praim Minista. Olsem, na i nogat spes i stap long dispela opis. Na tai mi nogat spes olsem i stap, Palamen i nogat pawa aninit long Konstitusen, long dismisim PM o Ekting PM na long makim narapela PM,

olsem ol i traim mekim long Ogas 2.

Skediul 1.10(3) bilong Konstitusen we Namah i yusim long diklerim wanpela vekensi, i nogat strong, na i no halivim em. Dispela provision i tok tasol, olsem we wanpela konstitusenal provisen i givim pawa long mekim wanpela apoinmen o makim man long wok, i gat luksave olsem dispela pawa i ken rausim dispela wok makim tu.

Olsem na bikpela astingting bilong en, i min, sapos i gat pawa bilong makim wanpela, i gat pawa bilong rausim dispela man tu.

Tasol long dispela taim, Seksen 142 em i wanpela seksen we Palamen i mas bihainim long mekim wanem apoinmen na i no Skediul 1.10(3). Kot i tok Palamen i brukim Seksen 142 bilong Konstitusen taim ol memba i makim Peter O'Neill olsem PM taim Sir Michael i PM yet aninit long loa, na taim em i no stap, i gat ekting PM i stap.

Laspela samting bilong tingim, em Palamen i nogat wanpela kain "inherent powers" aninit long Konstitusen bilong haiarim na faiarim ol praim minista.

I nogat samting olsem wanpela "inherent power" bilong palamen.

Ol Loa Kot tasol i gat ol "inherent powers" long mekim wok bilong ol olsem ol loa kot. Konstitusen i no givim Palamen dispela pawa.

PNG Konstitusen em i Mama Loa. Palamen i gat ol pawa i stap insait long Nesenel Konstitusen. Palamen i nogat pawa o 'open laisens' bilong givim pawa long em yet we i no stap insait long Konstitusen.

Namba tu samting, i nogat wanpela kain enimal long PNG Konstitusen, ol i kolim "parliamentary supremacy". Insait long dispela kantri, Palamen i no namba wan loa long kantri. Long dispela kantri, em Nesenel Konstitusen tasol em i namba wan.

Olsem, na husat memba bilong palamen it ok olsem palamen em i suprim o i winim olgeta arapela, em i wanpela gi-aman man.

Yes, long Inglan, ol

tingting olsem "parliamentary supremacy" o "sovereignty of parliament" i stap long tok klia olsem King o Kwin bilong ol long Palamen, husat i gat save, bihainim UK loa, long mekim o rausim wanem loa long wanem samting bai nogat wanpela kot long UK i ken daunim strong bilong dispela loa UK Palamen i mekim.

Na konstitusen bilong ol, ol i no raitim. Em i bihainim tasol ol konvensen, pasin tumbuna na pasin bihainim we olgeta i kam aninit long loa.

Nogat wanpela loya manmeri long PNG husat i gat nem olsem loya i ken toktok long "parliamentary supremacy" o "parliamentary sovereignty" long sait bilong PNG Nesenel Palamen.

Yes, i tru, Palamen i suprim o antap olgeta long mak bilong en. Tasol dispela pawa em i gat, i kam aninit yet long Konstitusen.

Wanpela institusen long PNG we i antap moa long olgeta, em Nesenel Konstitusen.

Olsem na Palamen i gat pawa na wok bihainim toktok bilong Konstitusen.

I nogat 'ekstra' bek konstitusenal pawa i stap aninit long het tok "inherent powers". Dispela em i wanpela driman tasol long ol memba bilong yumi, na ol loya i wok long givim stia tok long ol. Tasol dispela stia tok em samting ol memba i laik harim, na i no tru tok.

Narapela institusen long kantri i gat ol konstitusen pawa long glasim na yusim ol loa bilong Papua Niugini, em Judisiari, we em i ol kot bilong Papua Niugini.

Na long sait bilong Nesenel Konstitusen, Seksen 18 na 19 i givim ol dispela pawa long Suprim Kot we em i 'wanpela kain' pawa tasol we i narakain long ol arapela kot long skelim na strongim ol Konstitusenal loa long dispela kantri.

Olsem na aninit long Konstitusen, Surpim Kot tasol i gat las toktok, na em tasol i gat pawa bilong skelim, na strongim Konstitusen, na i nogat narapela i ken mekim dispela, PNG Palamen tu i no inap.

Husat i strong?



Gutpela tingting na gutpela senis mas kamap

WELKAM long 2012, na mi bilip yupela olgeta mas gat sampela gutpela plen na senis long mekim kamap long dispela yia.

Gutpela long statim nupela yia wantaim gutpela rot na gutpela samting we yu ken ron gut long en i go inap long pinis bilong dispela yia.

Taim yu statim gut plen o wok bilong yu, tru tumas yu inap kamap long mak yu laik go long en na wanem samting yu laik kisim em yu inap kisim.

Sapos yu statim nupela yia wantaim hevi na planti kros pait o planti dinau na planti hevi, bai yu pundaun yet i go bikos bai yu taitim bun long stretim yu yet gut. Ol dispela hevi bai holim yu yet olsem wanpela bikpela ston i stap antap long het bilong yu.

Wanpela gutpela rot tru em long tingim Buk Baibel olsem ki bilong yu long helpim yumi na stiaim yumi long rot yumi laik go long en. Baibel o tok bilong God tasol em stia bilong yumi



long painim gutpela amamas.

Yumi inap abrusim ol kainkain hevi na trabel na ron gut go long mak yumi laik go long en.

Tingim, famili em bikpela samting na yumi mas wok nau long stretim gut famili laip bilong yumi. Ol pikinini bilong yumi mas kisim gutpela sapot na helpim bilong papamama. Ol mas kisim gutpela tok skul long papamama bai ol ken wokabout gut na sindaun gut. Sapos ol i go long skul, ol inap kisim gutpela save na lainim gut samting bikos ol i statim gut nupela yia wantaim gutpela amamas we papamama i givim long ol.

Yumi harim olsem Gavman bai baim skul fi bilong olgeta pikinini long gret 1 go inap long gret 10. Gavman bai baim hap fi bilong gret 11, 12 na ol arapela

bikpela skul tu.

Em gutpela nius. Tasol dispela i no ken mekim ol papamama i ting ol ken kisim win nau bikos ol no inap hatwok long painim mani bilong baim skul fi. Yu mas wok hat yet long lukautim gut famili bilong yu. Ol pikinini mas groa gut insait long gutpela famili. Ol mas kaikai gut, werim gutpela klos, gat liklik poket mani bilong ol long go kam long skul. Em wok tru bilong yumi ol papamama.

Em taim bilong politiks nau long dispela yia 2012. Nesenel ileksen bai kamap long mun Epril go inap long mun Julai. Bai yumi kisim planti nois na kainkain mauswara nabaut long ol kendidet na ol sapota bilong ol.

Lukautim yu yet gut na noken subim het go insait nating long samting we yu no klia gut long en. Yu stap sambai tasol long makim vot bilong yu. Yu yet bai skelim gut husat lida yu laikim na makim. Dispela gutpela disisen bilong yu

inap kamapim gutpela Gavman bilong kantri bilong yumi we yumi ken painim gutpela helpim na amamas long en long bihain taim.

Plantu hap bilong kantri nau i wok long bungim ol bikpela hevi long tait wara o graun bruk o solwara i bruk na bagarapim ples.

Yumi mas skelim gut ol senis i wok long kamap long bus graun o solwara na sambai long taim nogut olsem. Sapos Gavman atoriti tok long yumi mov o surik go longwe, yumi mas harim tok na bihainim long sevim laip bilong yumi na ol pipel bilong yumi.

Bikpela Hepi Nu Yia long yupela olgeta rida bilong Wantok Sistem na Wantok Niuspepa na amamas long yumi bung gen na ron wantaim gen long 2012.

God i ken blesim yumi olgeta long dispela yia na lukautim yumi bai olgeta gutpela plen na samting yumi laik mekim i ken kamap gut long givim biknem na glori long em.

WANTOK KOMENTRI

Yu gavman? Strong bilong yu we?

ORAIT, mipela ol papamama i wet i stap. Mipela i wetim mani mipela i bungim bilong skul fi. O'Neill-Namah gavman i tok olsem dispela yia bai lukim kamap bilong skul fi fri edukesen.

Em i namba wan samting gavman i lukluk long strongim, bikos ol i save em i ken karim ol i kam bek bihain long ileksen.

Sapos i gat wanpela bikpela samting dispela namba wan gavman, bikos nau yet, Chief tu i wok long tok olsem em i gat gavman bilong em, bai yumi kolim namba tu gavman.

Dispela samting em sanapim bilong Investigesen Tas Fos Sweep.

Dispela tasfos i bungim olgeta wan wan savemanmeri bilong yumi long wok mani forensiks, na olgeta loa opis bilong kantri.

Ol i wok long holim pas planti ol manmeri pinis. Ol dispela lain manmeri, ol i no holim nating.

Nogat. Ol i painim evidens, na ol i holim ol.

Tasol Fri Edukesen em i samting we bai soim tru tru kala na strong bilong dispela namba wan gavman i holim namba long floa bilong palamen.

Sir Julius Chan, long taim nupela gavman i mekim tok promis long mun Ogas long Gavman Haus, i tok olsem progrem bilong fri edukesen, em i wanpela bikpela wok tru long mekim kamap gut.

Em i save, bikos em i taitim bun long provins bilong em yet, long mekim dispela.

Sapos yumi ken harim nek bilong dispela saveman bilong PNG politiks, husat wanpela tasol i wok long pairap strong, bihainim stretpela pasin na luksave, bai yumi mas tok olsem belwari i wok long kamap long wok kari-maut bilong dispela progrem.

Sapos em i no kamap, bai bikpela bilip i lus long dispela namba gavman.

Long liklik man long rot, mipela i laikim moa mani long benk akaun long potnait. Mipela laikim olgeta pikinini bilong mipela i kisim gutpela mak skul, na sindaun bilong yumi i gutpela.

Hevi long sindaun bilong gavman i stap yet.

Gren Sif Sir Michael, na gavman bilong em, husat i no sindaun long opis bilong gavman, i wok long toktok strong yet long ol i karim luksave bilong suprim kot.

Ating mipela ol liklik manmeri i les pinis long wetim ol lida long stretim tok.

Husat ol lida i ken mekim kamap olgeta gutpela samting bilong rausim hevi bilong mani, hevi bilong pasin korapsen, hevi bilong prais bilong kaikai i antap tumas, na husat i ken stiaim gut kantri, em i gavman bilong kantri.

Sapos yu husat lida i no inap long mekim kamap ol dispela samting, yu no gavman bilong mi.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



1. Resis long wok US presiden

OL posta i sapotim Mitt Romney, husat i wok long resis agensim Barack Obama long presiden ileksen i kam klostu. Kain politiks bilong Amerika i wok long go strong moa nau, olsem dispela poto long ples lowa i soim. Nau em i taim bilong kempen, na paia bai lait strong namel long ol kendidet, bilong rausim Obama long Wait Haus.

2. Sidni makim nu yia wantaim faia woks

SIDNI Opera Haus na Haba Bris i bin lait long Nu Yia de stret. Ol faia woks i pairap na laitim skai long Sarere, Desemba 31, 2011. (AAP Poto i kam long AAP Images)

3. Kar o bot?

OL asples manmeri i draivim kar na brukim ol haiwara bihain long hevi i kamap long Narathiwat provins long sauten sait bilong Tailen.





TOK PISIN NEWS

from Radio Australia

radioaustralia.net.au

Havin TOK PISIN long
Radio Australia

101.9FM

Port Moresby

Tok Pisin Service

6am - 7am 6000; 7240kHz

7pm - 9pm 5995; 6020; 9710; 12600kHz

Ol i surukim kot bilong foma Memba bilong Palamen long Fiji

OL i putim i go bek, kot keis bilong wanpela biknem bisnis meri bilong Fiji na foma Memba bilong palamen, dokta Mere Samisoni. Gavman i tok, namel long mun Septemba na Disemba, long yia i go pinis, disela meri, krismas bilong em 74, na tripela narapela, i bin tok long traime rausim gavman. Dokta Samisoni i bin nap kamap long Suba Majistret Kot long Trinde apinun. Tasol wanpela opisal i tok, Nu Silan loya bilong em i no yet kisim luksave long Fiji ba, na kot keis bilong em i no nap i go het inap taim dispela i kamap. I no gat yet toktok long hamas taim dispela wok bai inapim, na Dokta Samisoni i stap yet long rum gat.

Kilim bilong tripela meri i mekim ol famili stap belsut long PNG Hailans

POLIS i tok, kilim dai bilong tripela meri i mekim ol famili long Hailans rijen bilong

Papua Niugini i stap belsut tru. Polis long Isten Hailans bilong Papua Niugini i tok, dispela man bihain long dringim strongpela dring, i bin katim tripela meri wantaim busnaip bihainim yet kros ol i gat long graun. Suprintenden Augustine Wampe i tok, dispela saspek i bin go givim em yet long polis, long wanem em i bin pret long bekim bek i go long em. Em i tok ol i sasim dispela man pinis long tripela kilim dai o kaun bilong meda, na em i stap long rumgat. Em i tok, long narapela birua, ol i bin repim wanpela gel, krismas bilong em 12, kilim na planim em, na dispela i no bin gutpela kirap bilong nupela yia long provins.

Ilektoral komisina i laikim olgeta pipel long rejistaim nem bilong ol
VANUATU Ilektoral Komisin nau i mekim pinis bikpela askim i go long ol pipel long kantri long yusim konstitusenal rait bilong ol, na rejistaim nem bilong ol long ilektoral rol. Komisen i mekim dispela toktok taim em i redim ol wok bilong halivim ol pipel long

jeneral ileksen long mun Novemba long dispela yia. Ol pipel bilong Vanuatu i bin bihainim laik bilong ol yet sapos bai ol i vot o nogat, o em i no kompalsori long ol pipel long vot. Tasol Siaman bilong Vanuatu Ilektoral Komisen, John Taleo, i tok bai gutpela sapos olgeta pipel husat i ken vot long wanem dispela bai halivim long ol i makim wanpela gavman na ol pipel yet i makim.

Australia PM i tok Fiji lida i gat histri bilong toktok tasol

PRAIM Minista bilong Australia, Julia Gillard, i tok ami lida bilong Fiji, i gat histri bilong mekim ol toktok nating long ol promise m i mekim long kirapim gen demokrasi. Komodo Frank Bainimarama, i tokaut long ol plen bilong rausim dispela 'pablik imejensi loa', we em i putim long kirap bilong yia 2009. Julia Gillard i tok, i gutpela long harim ol toktok bilong Fiji lida, tasol em i toke m i mas kamapim ol 'eksen' o mekim wok stret wantaim ol tokaut bilong en. Mipela save long pasin bilong em long

bipo yet, we em tokaut olsem em bai mekim samting, na em i no mekim. Mipela laik lukim wok i go het na pasin demokrasi i mas go bek long Fiji."

Australian oposisan lida i no gat namel tingting long boda polis bilong

AUSTRALIA Oposisen Lida, Tony Abbott, i no soim ol sain bilong tok orait long wanpela namel tingting o kompromais long boda proteksen polisi wantaim gavman. Ol atoriti long Australia i painim na pasim tupela bot i karim ol asailum sika dispela wik. Namba wan long en i bin gat 35 pasindia, na tupela kru long en, na ol i bin painim long saut-wes bilong ol Ashmore ailan long Mande. Namba tu, ol i bin painim long not bilong Tiwi Ailans long nait i go pinis, wantaim 16 pasindia na wanpela kru memba antap long en. Mista Abbott i tok, ol wok traime bilong kisim Kolisen i sapotim salim i go ol asailum sika long Malesia i no nap stretim wanpela samting.

Raun wantaim Wantok kru ...

Nicky Bernard i raitim

A black and white photograph of a young child, likely of African descent, being held by a man. The child is looking directly at the camera with a neutral expression. They are wearing a light-colored, short-sleeved top with ruffled details and patterned shorts. The man holding the child is seen from the side, wearing a dark shirt. Behind them, a woman is sitting, looking towards the camera. She is wearing a dark polo shirt. The setting is outdoors, with large trees in the background and a white van parked on the right side. The overall mood is calm and candid.

wantaim papamama bilong em. Tasol em
kirap long bik moning tru long nupela yia na
go lusim mama bilong em long bas stop
long go long wok bilong em.

FONDE, JANUERI 5, 2012		9.00PM G A CURRENT AFFAIR	5.55PM CRIME STOPPERS	6:00PM G <u>NATIONAL EMTV NEWS</u>	10.00AM G SUNDAY FOOTY SHOW
5.00AM G JOYCE MEYER	9.30PM G DIGICEL STARS 2 ENCORE	6:00PM G NATIONAL EMTV NEWS	6.30PM PG AUSTRALIA'S FUNNIEST	11.00PM G	
5.30AM G TODAY	10.30PM M	7.00PM G IN MORESBY TONIGHT	HOME VIDEO SHOW	1.00PM G	
11.00AM AUSTRALIA NETWORK		7.30PM G RUGBY WORLD CUP	7.27PM EMTV TOK SAVE	3.00PM G MOBIL 1 THE GRID	
12.30PM G EMTV MIDDAY NEWS	11.00PM AUSTRALIA NETWORK	9.30PM G CURRENT AFFAIR	7.30PM G IN MORESBY TONIGHT	Mobil 1 The Grid offers exclusive, in-depth features, personality profiles and the latest news from leading motorsports circuits around the globe.	
1.00PM AUSTRALIA NETWORK		10.00PM G	8.00PM G RAIT MUSIK		
		11.45PM G A CURRENT AFFAIR	9.00PM PG ELITE MUSIC ZONE		
<u>FRAIDE, JANUERI 6, 2012</u>					
<u>2.59PM STATION OPEN</u>		00.15AM G NATIONAL EMTV NEWS	9.30PM G SUPER LEAGUE		
<u>KIDS KONA</u>	5.00AM G JOYCE MEYER	REPLAY		4.00PM G	
3.00PM HI-5	5.30AM G TODAY	12.20PM AUSTRALIA NETWORK		6.00PM G NATIONAL EMTV NEWS	
3.30PM PYRAMID	11.00AM AUSTRALIA NETWORK		11.00PM G NATIONAL EMTV NEWS	6.30PM G DIGICEL STARS	
4.00PM THE SHAK	12.30PM G EMTV MIDDAY NEWS	<u>SARERE, JANUERI 7, 2012</u>	REPLAY	7.30PM G 60 MINUTES	
4.30PM KITCHEN WHIZ	1.00PM AUSTRALIA NETWORK		12.00AM AUSTRALIAN NETWORK	8.30PM M SUNDAY NIGHT MOVIE:	
4.57PM EMTV TOK SAVE	<u>2.59PM STATION OPEN</u>	12.27PM STATION OPEN		TBA	
5.00PM G	3.00PM HI-5	12.30PM G	<u>SANDE, JANUERI 8, 2012</u>	10.30PM G HILLSONG	
	3.30PM PYRAMID	2.30PM G MOBIL 1 THE GRID		11.00PM G NATIONAL EMTV NEWS	
6:00PM G NATIONAL EMTV NEWS	4.00PM THE SHAK	3.00PM G	6.30AM G IT IS WRITTEN	REPLAY	
7.00PM G SPORTS SCENE	4.30PM KITCHEN WHIZ		7.00AM G HILLSONG	11.30PM AUSTRALIA NETWORK	
7.27PM EMTV TOK SAVE	4.57PM EMTV TOK SAVE	5.00PM G RUGBY WORLD CUP	7.30AM G		
7.30PM G RAIT MUSIK	5.00PM G	DAY 18 HIGHLIGHTS	8.00AM AUSTRALIA NETWORK	<u>MANDE, JANUERI 9, 2012</u>	
8.30PM PG ELITE MUSIC ZONE		5.30PM G	9.00AM G		

TORO**BIABIA**

KANAGE



TOKWIN

Nogat senis long
sampela long 2012

PLANTI manmeri save mekim tok
promis long senisim sampela
samting long laip bilong ol, taim
nupela yia i kam. Tasol sampela
save painim hat tru long lusim
wanem samting ol mekim longpela
taim.

Long dispela nupela yia 2012,
planti manmeri mekim tok promis
long lusim sampela samting we i
save bagarapim laip bilong ol. Ol
dispela kain samting olsem smok,
buai, bia na sampela moa.
Tasol ol dispela promis ol
mekim em bai stap longpela taim

o long namel traim bai kisim ol na ol
go bek long olpela pasin gen. Putim
was long ol dispela lain husat i
promis long ai bilong yu.

Nupela yia na Skul olsem wanem?

PLANTI Gavaman skul bai orait wantaim skul fi bilong ol, tasol mipela ol misin skul bai olsem wanem, nogat tok klia kam yet long mipela na mipela paulpaul stap. Tokaut na tokstret, bai mipela kisim fri skul fi tu o nogat. Jenwari nau na Febwari skul bai stat, tok klia na bai mipela rere long ol skul fi.

24-awa maket stop long
5-mail

PLANTI manmeri save go bai ol samting long 5-mail 24 awa maket, dispela liklik maket save op olgeta san na nait tu, olgeta wok manmeri husat save wok nait save go bai ol kaikai bilong long dispelamakot. Dispela maket tu save sevim planti manmeri na tu dispela maket em save sef long taim bilong nait. Nau dispela maket ol NCDC i go rausim long sampela samting we ol papa na mama bilong maket i no save. Tok klia bai kam aut yet, olsem na putim was tasol long toktok bilong NCDC long sampela taim bihain.

Tokwin Tasol...

T	E	L	E	P	O	N	L	A	S	D	E	I	P	O	N	K
S	E	R	I	L	M	K	O	P	I	M	A	S	I	N	O	N
I	M	O	L	F	A	R	B	E	Y	O	N	D	E	M	T	U
D	E	T	O	M	E	R	E	T	I	M	O	S	P	O	I	L
A	S	C	O	R	N	K	T	E	R	I	M	Y	U	S	S	A
K	O	N	P	R	E	N	S	R	U	M	U	P	O	I	B	T
S	C	R	I	N	T	Y	N	M	E	T	R	I	K	A	O	L
H	I	P	I	P	H	U	E	R	A	Y	D	R	O	S	T	I
N	V	W	O	K	M	E	R	I	S	S	O	L	I	I	K	L
I	T	S	A	N	D	Y	P	I	O	M	I	K	S	K	I	A
S	E	R	T	U	P	I	N	O	P	S	E	N	A	O	B	I
A	L	I	A	R	I	W	O	K	M	A	N	W	A	B	O	S
M	I	S	I	A	R	P	K	I	N	I	M	E	R	P	I	S
A	O	N	I	P	N	E	R	T	I	N	G	K	K	L	E	I
R	T	R	E	E	A	I	P	I	P	M	A	R	D	U	S	P
A	U	O	P	I	S	T	E	B	O	L	F	R	I	L	B	O
W	Q	S	A	C	V	N	K	U	B	N	O	P	E	L	E	T

PAINIM OL NEM BILONG OL SAMTING INSAIT LONG OPTS:

TELEPON	KOMPUTA	FEKS MASIN	PRINTA
TELEPON BUK	OPIS TEBOL	OPIS SIA	NOTIS BOT
PEPA	BUK	PEN	TOILET
KONPRENS RUM	KONPRENS TEBOL	WOKMAN	WOKMERI
KOPÉ MASIN	WARA MASIN	BOXIS AIS	DRAM PIPTA

9			8	7	4			
4	6	7	5			3		8
	1			2				
3		1	9					7
2								6
8					2	9		1
				9			8	
7		9			3	1	6	4
			1	4	5			2

4	2	5	6	7	3	9	1	8
3	9	7	8	1	5	6	4	2
8	6	1	2	4	9	7	3	5
6	3	4	5	2	1	8	9	7
5	8	9	3	6	7	1	2	4
7	1	2	9	8	4	3	5	6
1	4	3	7	5	6	2	8	9
9	7	8	4	3	2	5	6	1
2	5	6	1	9	8	4	7	3

**Ansa
bilang
las wik
Sudoku**

T	O	Y	O	T	A					I	K	U	Z	U	S
M	E	A	W	A	S	A	E	I						R	
E	I											E			
R	A	T			O					T					
C			S		S					N	B	R	A	V	O
E			U						I	U					N
D		F	B		E		R			R					I
E					I	P					A			H	
S	H			J	S							B			
		O		A			H			E			U		
			N					I		N	C				S
	G		D			E	T	T	E	N	A	V			
I				R	A					M	S				
D			O										S		
U			F											I	
A	D	Z	A	M			V	O	L	K	S	W	A	G	O

**Ansa
bilang
las wik
Pasol**

EMTV Television Guide

5.00AM G JOYCE MEYER	5.00PM G	11.20 – 12.00PM GRADE 8 SCIENCE	9.00PM M	3.00PM G MAGICAL TALES
Religious Program	5.55PM G CRIME STOPPERS	12.30PM EMTV MIDDAY NEWS	11.30PM G EMTV NEWS REPLAY	3.30PM G HI-5
5.30AM G TODAY	6:00PM G NATIONAL EMTV NEWS	DEPT OF EDUCATION CLASSROOM BROADCAST CONTINUES....	12.30PM AUSTRALIA NETWORK	4.00PM G THE PYRAMID
DEPARTMENT OF EDUCATION	7.57PM EMTV TOK SAVE	1.00 – 1.40PM GRADE 6 MATHEMATICS	<u>TRINDE, JANUERI 11, 2012</u>	4.30PM G THE SHAK
CLASSROOM BROADCAST	7.30PM G	1.50 – 2.30PM GRADE 6 SCIENCE	5.00AM G JOYCE MEYER	5.29PM G EMTV NEWS UPDATE
9.00 – 9.40AM GRADE 7 MATHEMATICS	9.30PM G	2.30 – 3.00PM DEPI PROGRAMME	Religious Program	5.00PM G
9.50 – 10.30AM GRADE 7 SCIENCE	10.30PM G NATIONAL EMTV NEWS REPLAY	12.00PM <u>EMTV MIDDAY NEWS</u>	5.30AM G TODAY	5.55PM G CRIME STOPPERS
10.40 – 11.15AM GRADE 8 MATHEMATICS	11.30PM G MOBIL 1 THE GRID	3.00PM G MAGICAL TALES	DEPARTMENT OF EDUCATION	6:00PM G NATIONAL EMTV NEWS
11.20 – 12.00PM GRADE 8 SCIENCE	12.30PM AUSTRALIA NETWORK	3.30PM G HI-5	CLASSROOM BROADCAST	7.00PM PG THE WORLD AROUND US
12.30PM EMTV MIDDAY NEWS	<u>TUNDE , JANUERI 10, 2012</u>	4.00PM G THE PYRAMID	9.00 – 9.40AM GRADE 7 MATHEMATICS	TBA
DEPT OF EDUCATION CLASSROOM BROADCAST CONTINUES....	5.00AM G JOYCE MEYER	4.30PM G THE SHAK	9.50 – 10.30AM GRADE 7 SCIENCE	7.57PM EMTV TOK SAVE
1.00 – 1.40PM GRADE 6 MATHEMATICS	Religious program	5.29PM G EMTV NEWS UPDATE	10.40 – 11.15AM GRADE 8 MATHEMATICS	8.00PM PG
1.50 – 2.30PM GRADE 6 SCIENCE	5.30AM G TODAY	5.30PM G MILLIONAIRE HOT SEAT	11.20 – 12.00PM GRADE 8 SCIENCE	9.00PM PG WEDNESDAY NIGHT
2.30 – 3.00PM DEPI PROGRAMME	DEPARTMENT OF EDUCATION	6:00PM G NATIONAL EMTV NEWS	12.30PM EMTV MIDDAY NEWS	MOVIE: TBA
<u>STATION OPEN</u>	CLASSROOM BROADCAST	7.00PM G HAUS & HOME	DEPT OF EDUCATION CLASSROOM BROADCAST CONTINUES....	11.45PM G NATIONAL EMTV NEWS REPLAY
KIDS KONA	9.00 – 9.40AM GRADE 7 MATHEMATICS	7.57PM EMTV TOK SAVE	1.00 – 1.40PM GRADE 6 MATHEMATICS	1.00AM AUSTRALIA NETWORK
3.00PM G MAGICAL TALES	9.50 – 10.30AM GRADE 7 SCIENCE	8.00PM G KINGAL MINISTRIES	1.50 – 2.30PM GRADE 6 SCIENCE	
3.30PM G HI-5	10.40 – 11.15AM GRADE 8 MATHEMATICS	8.30PM PG THE FARMER WANTS A WIFE (SERIES PREMIERE)	2.30 – 3.00PM DEPI PROGRAMME	
4.00PM G THE PYRAMID			12.00PM <u>EMTV MIDDAY NEWS</u>	
4.30PM G THE SHAK				

O! Proqram na Kilok i ken senis oltaim...

Ol Proqram na Kilok i ken senis oltaim...



NEM: Kisip Kembo
KRISMAS: 19 (man)
ADRES: ST. John De Baptist Primary School, P.O. Box 220, Kerema Gulf Provins
SAVE LAIKIM: Pilai spots, watsim muvi, go Lotu, ridim buk na mekim pani

NEM: Isaiah Bonga
KRISMAS: 28 (man)
ADRES: P. O. Box 407, Popondetta, Oro Provins
SAVE LAIKIM: Pilai Voli bol, Tas ragbi, pilai gita, lukluk TV(NRL), raitim pas, mekim na go Lotu

NEM: Rian Monghongho Alphonse
KRISMAS: 18 (man)
ADRES: Aniep Village, C/- ST. Mary's, P.O. Box 125, Leitre, Vanimo, Sandaun Provins
SAVE LAIKIM: Harim musik, pilai soka, voli-bol, basketbol, go Lotu na mekim pren

NEM: Annestine Funumari
KRISMAS: 18 (meri)
ADRES: Notre Dame Secondary School, P.O. Box 164, MT Hagen, WHP
SAVE LAIKIM: Ridim Baibel, singsing, harim musik, pilai basketbol, netbol, mitim ol poro-man na lukluk TV.

NEM: Koron Amun
KRISMAS: 25 (man)
ADRES: P.O. Box 3079, Lae, Morobe Provins
SAVE LAIKIM: Harim musik, pilai Kompyuta, ridim buk na mekim pren

NEM: Kaiya Yoan
KRISMAS: (man)
ADRES: C/- Bema Primary School, P.O.Box 37, Kerema Gulf Provins
SAVE LAIKIM: Pilai soka, mekim Jokes na pilai volibol wantaim ol poroman

NEM: Ruben Yawa
KRISMAS: 18 (man)
ADRES: Muli Primary School, P.O. Box 69, Mendi, SHP
SAVE LAIKIM: Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

NEM: Stanson Petiti
KRISMAS: 20 (man)
ADRES: C/- BSC ANZ Bank (PNG) Ltd, P. O. Box 1152, Port Moresby NCD Papua Niugini
SAVE LAIKIM: Pilai Gita, ridim Baible, mekim fani na stori wantaim ol poroman

NEM: Joel Kenis Amaekam
KRISMAS: 29 (man)
ADRES: Huon Gulf, Lae 411, P.O. Box 164 Lae ,Morobe Provins
SAVE LAIKIM: Mekim fani, eksasais, pilai lilik, pilai ukulele, gita, singsing, skrim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

NEM: Anne Mary Yuwei
KRISMAS: 21(meri)
ADRES: Pes Primary School, P.O. Box 36, Aitape, Sandaun Provins
SAVE LAIKIM: Pilai soka, Volibol, mekim pani, go Lotu, harim musik na watsim TV.

Beng! Wanpela tinpis I kam...

Ankol Kanage em wanpela ankol bi-long dinau stret long ol liklik taka boks long haus yet. Ankol Kanage i wok long mekim dispela dinau pasin bilong em i go na ol stoa kipa i bel kas kas long em pinis.

Taim ol stoa kipa i lukim olsem ankol Kanage i kam long stua bilong ol, ol i save hait o go arasait. Wanpela taim ankol Kanage i go long dinau long taka boks we em i gat step leda long en i stap. Stua kipa em i lukim Kanage long we yet na em i go hait aninit long kaunta. Ankol Kanage i kam lukim olsem nogat stoa man tasol em i save olsem stua kipa em i hait i stap. Yu save, ankol Kanage ya, em i giaman long pairapim step leda i go daun tasol isi isi tru i kamap antap gen na wetim kipa long kaunta i stap. Taim stoa kipa isi tru apim het long spaim Kanage, ankol Kanage i makim long pinga tasol na tok, "Beng!! Wan-



pela tinpis i kam."

Ankol Kanage em ankol Kanage. No play up.

UPNG
POM SITI

Jeles long plet bilong em ...

Wanpela nait Mr Johnson wantaim famili bilong en i askim Kanage long go kaikai wantaim ol long Karanas. Taim Kanage kamap, ol i amamasim em na welkamim em i go long kaikai tebol.

Taim ol i sindaun na kaikai i stap, wanpela dok bilong famili i wok long lukluk strong long Kanage i kaikai i

BULOLO
MOROBE

Ol skwat!
Salim ol gutpela Kanage tok pilai i kam long:

Kanage Tok Pilai
P.O. Box 1982,
Boroko, NCD
Port Moresby.

Email: atolire@wantok.com.pg

Papa no save bisi long famili na mi wari

Dia Laipain,
MI WANPELA mama i gat tripela pikinini. Tupela i bilong mi stret na wanpela em mi adoptim o kisim long narapela famili na lukautim i stap. Tupela pikinini stret bilong mi stap long sekonderi skul. Pikinini meri i wokim Gret 11 na boi i wokim Gret 9.

Papa bilong ol i wok long wanpela maining kampani na i save plai i go na i kam long wok bilong em taim mi stap long haus na wok olsem wanpela haus meri.

Taim papa ya i kam long malolo bilong em, em no save bisi long mi na ol pikinini bilong em, nogat tru. Em i save stap wantaim ol poroman bilong em husat em i dring tu wantaim. Mi les pinis nau na mi wokim wankain samting nau olsem man i save mekim. Taim mi bekim samting man bilong mi i wokim, mi no bisi long ol pikinini na pikinini meri bilong mi husat i wokim Gret 11 i bin dring hombru na ol i rausim em long skul. Mi paul na mi no save bai mi mekim wanem long hevi we pikinini i gat nau long en.

Inap Laipain i helpim mi long kisim sampela gutpela tingting na mipela i luksave wanem samting i bin go rong na wanem samting mipela olsem mama-papa i no bin mekim?

Mother in Distress

Dia Pren

Mipela i luksave long wari yu stap long en we i mekim yu i raiti i kam na serim wari wantaim mipela. Mipela i tok tenkyu long yu i luksave long wok Laipain i mekim long helpim pipel i gat wankain wari olsem yu na ol narapela moa husat i ken lainim sampela samting long pas bilong yu.

Pren, yu tok olsem yu gat tripela pikinini i stap long skul, tasol wanpela i no bilong yu stret. Yu kisim long lukautim olsem bilong yu. Na man bilong yu i wok wantaim wanpela maining kampani na yu wok olsem wanpela hausmeri.

Yu no givim moa infomesen long pikinini yu adoptim o kisim long narapela famill long lukautim olsem bilong yu na sapos em i stap long skul o em i mekim wanem i stap. Em i gutpela sapos yu ken toktok moa long em na sapos em i kamap olsem hap long famili bilong yu pinis o nogat.



Pren, yu tok taim man bilong yu i kam long ol malolo bilong em, em i no save gat taim long stap isi long haus wantaim famili, tasol em i save painim ol poroman na spak raun wantaim ol. Na yu olsem meri bilong em i les pinis na yu wokim wankain samting olsem man bilong yu i mekim. Pikinini meri bilong yu nau i no skul bikos ol i rausim em taim em i dring hombru. Bikos long ol dispela samting, yu paul nay u no save husat long sutim tok long en na yu laikim helpim.

Pren, sapos ol pikinini i wokim gut, em mak bilong ol gutpela papamama i givim gutpela lukaut long ol pikinini bilong ol. Ating dispela em samting i no stap na kamapim hevi long pikinini bilong yu na em i lusim skul? Stap isi liklik na tingting gut sapos pasin yu mekim long bekim bikhet pasin long man bilong yu i kamapim hevi long pikinini bilong yu i lusim skul. Yu ting taim yu bekim bikhet pasin long man bilong yu bai daunim hevi? Samting yu wokim bai helpim ol pikinini bilong yu?

Sapos nogat, i moabeta yu lusim ol dispela kain pasin na lukautim gut ol pikinini bilong yu na tu, mekim ol haus wok. Mipela i luksave olsem pasin man bilong yu i wokim i no gutpela na i kamapim hevi na wari long yu, tasol bekim i no inap helpim ol pikinini bilong yupela.

Mipela i luksave olsem taim yumi tok-tok nau tasol, planti papamama i wokim ol dispela samting na ol i no tingim namba wan wok bilong ol long lukautim gut ol pikinini bilong ol. Bikos long samting yu wokim na yu no gutpela piksa long ol, hevi i kamap.

I moabeta long yu stop bekim asua bilong man bilong yu na stap isi olsem gutpela mama long ol pikinini we God i givim long yu olsem ol presen. Mekim ol samting long helpim man bilong yu, painim taim long toktok long man bilong yu na bi-hain, toktok long ol poroman bilong em tu. Man bilong yu i save long hevi bilong pikinini tasol ol poroman bilong em bai nogat. Ating sapos ol i save long hevi

stap. Kanage tait long kaikai na em tu lukluk strong long dok i stap.

Na Kanage i kirap na askim Mr Johnson long wai na ol dok bilong en i wok long lukluk strong long en i stap. Mr Johnson i bekim long Kanage olsem, "Noken wari long ol. Ol jeles long wanem yu kaikai long plet bilong ol."

long famili, ol i ken helpim em long noken dring wantaim ol moa. Dispela em sapos ol i laik helpim em daunim hevi long family. Yu lukim sampela kaunseling lain o pasto bilong yu?

Ol papamama i gat wok na i no gutpela ekskius long abrusim o ronawe long wok olsem papa i bos bilong family na olsem mama. Wanem mani yu papa o mama i kisim long wok yu mekim i bilong famili na i no bilong wanpela tasol long kaikai long em.

Pren, i moabeta long yu serim mani na ol narapela samting yu kisim long hatwok bilong yu wantaim family na bai yu amamas. I moabeta tu long yu toktok wantaim man bilong yu na tu, kisim helpim long ol kaunseling lain o sampela gutpela poroman.

Tasol pastaim, olsem gutpela mama, i moabeta yu painim ol rot long kisim bek pikinini meri bilong yu i go bek long skul na em bai pinsiim skul bilong em gut. Olsem mama, yu ken toktok long em na tok sori long samting yu wokim na i no givim em gutpela stia na hevi i kamap. Long dispela kain hevi, i moabeta long noken sutim tok long wanpela narapela, tasol yupela i sea na wok wantaim long painim rot long stretim hevi na stap gut olsem famili. Nogat man bai lus, tasol yupela olgeta bai win. Olsem mama, i moabeta yu helpim gut ol pikinini bilong yu nau na bihain taim yu lapun, ol bai kisim wok na lukautim yu.

Pren, i moabeta yu tanim bel na go long God, givim ol hevi bilong yu long han bilong em bikos em i laikim yu. Painim taim long ritim Jeremiah 33: 3 na larim em (God) i toktok long yu na givim yu stia.

Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain



GLASIM RAMU NICO PROJEK

Wanpela Ramu Nico, Wanpela Komuniti



Ramu NiCo helivim health service insait long Madang Province

HEVİ bilong helt na pasin bilong kisim kainkain sik we save kilim man i dai em bikpela birua insait long kantri. Gavaman bilong PNG i luksave na givim bikpela long dispela wok tasol yumi no klia wok i no wok orait tumas

Planti ol ples insait long PNG i gat hevi yet long sait long helt we i lukim planti manmeri, pikinini na ol lapun i dai i long ol liklik na bikpla sik we ol inap long kisim marasin na kamap orait gen.

Taim han bilong gavman i sot, planti ol intanesenel ogenaísesen, non gavman ogenaísesen (NGO), praivet manmeri, ol bisnis na ol bikpela investa na developer insait long kantri i nau wok long halivim planti ol manmeri long ol rural ples we gavman servis olsem helt i no go long ol. Sampela ol dispela wok i kamap aninit long pablik-praivet patnasip (PPP)

Wanpela bilong investa we i wok long helpim ol pipel insait long Madang provins em Ramu NiCo.

Ramu NiCo long Tunde Novemba 20, 2011 i soim gutpela pasin tru taim em i givim wanpela haltek kadiak monita masin i go long Modilon Jeneral Hausik long Madang provins.

Dispela nupela masin Ramu NiCo i givim bai helpim Modilon Hausik long Intensiv Kea Yunit (ICU) long sekim ol tempresa long bodi bilong ol manmeri, blut presas, na ol narapela presa bilong hat na lewa na ol arapela hevi long bodi.

Dispela masin i kostim Ramu NiCo bikpela mani stret tasol kampani i luksave olsem displa masin i gat bikpela nid na bai savim laip bilong planti pipel bilong Madang na ol arapela provins tu husat i go long Modilon Hausik.

Dairekta na Eksekutiv Vais Presiden bilong Ramu NiCo, Gu Yuxiang i givim dispela masin wantaim pawa-monita i go long ekting sif eksekutiv ofisa (CEO) bilong Modilon Hausik, Christine Gawi.

Siaman bilong Modilon Jeneral Hausik na Presiden bilong Divain Wod Yunivesiti (DWU), Pater Jan Czuba na ol medikol ofisa bilong Modilon i bin stap long dispela presentesen seremoni.

Long taim bilong givim ol dispela masin, Mista Gu i tok Ramu NiCo Menesmen i kamap wantaim disisen long helpim ol pipel bilong Madang bihain kampani i luksave olsem hausik i nidim tru dispela masin long mekim wok bilong en.

Mista Gu i tok Ramu NiCo i wok long helpim ol lain papagraun long ol eria we wok construction bilong



Mista Gu i toktok taim em i donetim marasin i go long Gaubin Hausik.



Mista Gu i toktok wantaim siaman bilong Gaubin Hausik.



Mista Gu i donetim masin i go long Modilon Hausik.

maining i kamap insait long las foapela yia na em i gat plen long helpim ol arapela eria insait long Madang provins taim Ramu NiCo i go insait long wok operesen bilong en. Na dispela em wanpela gutpela eksampel long ol helpim Ramu NiCo bai givim i go long komyuniti insait long Madang provins.

"Long nau yet mipela i stap long konstraksen na wok bilong komisininim, na maski olsem mipela i hat liklik long helpim long baset bilong mipela, mipela i wari na sore long komyuniti na mipela i laik givim helpim," Mista Gu i tok.

Em i tok tu olsem Ramu NiCo i save kisim halivim tu i kam long ol hatwok medikol wokman meri bilong Modilon Hausik, olsem na kampani i laik helpim long strongim wok bung namel long tupela lain.

Pater Jan Czuba i givim bikpela

tok tenkyu i go long Ramu NiCo makim pipel bilong Madang long dispela gutpela helpim kampani i givim.

"Mipela i amamas tru long Ramu NiCo (MCC). Dispela gutpela wok patnasip namel long hausik na Ramu NiCo bai go strong yet na dispela bai strongim tu gutpela wok long helpim ol pipel bilong Madang," Pater Jan Czuba i tok.

CEO Sister Christine Gawi bilong Modilon Hausik i givim bikpela tok tenkyu i go long Ramu NiCo na tok olsem dispela ol masin em ol i nidim tru na ol masin ya bai helpim ol manmeri o pesen long hausik.

"Mipela i amamas long ol dispela nupela masin. Mipela bai yusim ol long ICU na ol isi long karim na muvim. Mipela tok tenkyu tru long Ramu NiCo," Sista Gawi i tok.

Ramu NiCo i givim wankain

halivim tu wantaim ol marasin bilong hausik i go long Gaubin Hausik long Karkar Ailen. Ol marasin Ramu NiCo baim na givim em sanap long mani mak moa long K5,000, na kampani i givim long Monda, Disemba 19, 2011.

Displa donation bilong marasin bai givim bikpela halivim i go long mak olsem 60, 000 pla man meri bilong Karkar husai i save kisim marasin long Gaubin Hausik na ol pipel bilong Bagbag tu.

Mista Gu i makim Ramu NiCo Menesmen na givim dispela donesen we i bin kamap long taim wanpela ron we Sir Peter Barter i kamapim ananit long Melanesian Foundation bilong ol sampela femili bilong Australia na PNG i bin donetim wanpla nupla x-rei masin we i kamap long mak bilong K375,000. i go long Gaubin Hausik.

Mr. Gu i tokim ol manmeri olsem kain ol halavim i no save go tasol long ol papagraun bilong Ramu NiCo Projek tasol kampani i save givim ol kain halivim i go long ol pipel bilong ol narapela hap bilong Madang provins.

Mr. Gu i tok tu olsem Ramu NiCo i gat bikpla laik long givim moa kain halivim long bihain taim sapos projek i kamap. Em i tok displa halivim i go long ol pipel em long soim gutpela bel olsem ol pipel bilong Karkar na Bagbag i bin sapotim Ramu NiCo projek long ol liklik wei bilong ol.

Sir Peter Barter i givim bikpela tok tenkyu tu i go long Ramu NiCo na tok displa donation bai halivim ol pipel bilong ailan.

Sir Peter i tokim ol pipel long displa bung olsem planti lain i save tok giaman na bagarapim nem bilong Ramu NiCo tasol taim displa kampani bilong China i bin kamap long Madang, em i bin kamapim planti projek na donation i go long ol papagraun na ol komuniti bilong ol narapla ples insait long Madang.

Sir Peter is tok ol pipel bilong Madang i laki tru long gat ol bikpla kampani olsem Ramu NiCo na ma wok bung wantaim long kamapim projek na ol benefit i mas go long ol pipel bilong Madang.

Em i tok Melanesian Foundation i askim Ramu NiCo long kam tasol long Karkar long stap lukim dispela donesen bilong x-ray tasol em i hamamas taim Ramu NiCo i baim marasin long mak bilong K5,000, em bikpla halivim stret.

Siaman na Dairekta bilong Gaubin Hausik Dr. Chris i tok bikpla tenkyu tru long Ramu NiCo long luksave long kain halivim taim hausik i nidim stret.

Ol kain halivim Ramu NiCo i givim i go long komuniti i no stap ananit long memorandum ov agri-men (MOA) tasol kampani i save go aut na givim wantaim belaisi long halivim ol komuniti i gat nid long em.

Taim Ramu NiCo i bin stat wok insait long Madang Provins, em i bin spendim moa long K160m i go long ol lenona kampani, na spendim moa long K500m long baim ol samting insait long Madang we gavman i save kisim mak long K50m tax mani, moa long 3,000 wok em kampani i kamapim bilong ol pipel bilong PNG na bai kamapim narapla 1,000 wok taim em i stat dikim nikel, na kampani i wokim kamap ol infrastructure olsem skul, klinik na aid-posts, rot, bris na wharfs bilong ol lokal komuniti.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisininim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifalneri i pinis, na projek i stap redi long kisim komisnin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stijl bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu Nico, Wanpela Komyuniti

Telikom tokaut long laspela wina bilong promosen



ELIKOM PNG i bin amamas long pinisim Krismas bilong yia 2011 na welkamim nupela yia 2012 wantaim bikipela promosen bilong ol. Las wik Fraide Telikom PNG i bin tokaut long tenpela laspela wina bilong dispela promosen.

Laspela gren droa bilong dispela promosen bai lukim wanpela laki man o meri bai winim wanpela nupela Nissan Navara, na hamamasim nupela yia wantaim dispela kar.

Telikom PNG i bin ronim tripela kain promosen long stat bilong mun Disemba las yia.

Namba wan promosen em i bin 'Top Ap na Win'.

Ol kastoma i bin top ap long go insait long droa long winim ol laki kredit, na tu long go insait long gren droa long

winim dispela Nissan Navara. Antap long dispela kar, ol laki wina long wanwan wik i bin kisim sampela fri kredit long pinis bilong olgeta wik.

Namba tu promosen i bin lukim mani mak bilong mekim intenesenel kol i bin go daun olgeta long 48 toea long wanwan minit, long de na nait wantaim.

Na laspela promosen em bilong ol manmeri husat i save yusim Telikom Modem long kisim intanet. Mani

mak i bin go daun long 19 toea long wan mega bait. I no olsem bipo i bin 29 toea long wan mega bait.

Ol kastoma husat i bin top ap long Citifon, mekim intenesenel kol o top ap long modem, i bin i go insait long gren droa long winim dispela Nissan Navara long nupela yia 2012.

Kapul bilong Lukautim

Liklik Bisnis...

Nicky Bernard
i raitim

PLANTI enimol yumi save laik lukautim olsem ol pikinini bilong yumi, maski ol enimol abus bilong kaikai tasol sapos em gutpela long lukautim, bai yumi mekim olsem pikinini bilong yumi.

Billy Bonnie, em wanpela man Rigo, em save go painim abus long bus bilong em long Rigo na kisim kam long Mosbi na salim, ol abus olsem magani, kapul na sampela moa.

Billy tok, sapos em holim ol dispela abus, em no save kilim ol, em save karim go long haus na traim long mekim ol bai ol kamap ol pikinini na ol ken harim tok.

Ol dispela abus em save kisim kam na salim long ol manmeri husat i laik lukautim olsem pikinini bilong ol.

Billy kam raun long Mosbi long salim dispela mama kapul bilong em. Dispela kapul em salim i karim liklik pikinini bilong em na tupela i stap wantaim.

Em i stori olsem taim em i go



Cleopatra na Elani, tupela wok meri bilong Westpac i laikim tru dispela mama kapul na pikinini bilong em olsem na tupela i wok pilai long dispela kapul mama.

raun long bus bihain long krismas, em i lukim dispela kapul na em banisim na holim, taim em lukim olsem dispela kapul karim olsem tupela de bipo long em holim.

Billy kisim dispela mama kapul na mekim banis bilong em na karim kam long Mosbi na salim taim liklik bisnis i painim em.

Billy tok dispela wok em save mekim olgeta taim, nau sapos em salim dispela kapul em bai go bek long ples bilong Rigo na tripela de bihain em

bai kisim nupela kapul o magani na kam bek.

Em i salim dispela mama kapul wantaim pikinini bilong em K100, taim Liklik Bisnis i bungim em long Waigani bihain long krismas.

Billy tok dispela liklik bisnis bilong em save helpim em gut tru wantaim ol famili bilong em, maski ol politik wok kros go kam, tasol dispela bai no inap helpim em na famili bilong em long liklik ples bilong ol long Rigo.



BIKPELA SORE

Ramu NiCo Menesmen (MCC) Limited i guria stret na i sore tru long harim dai bilong DAVID TIGAVU long Tunde, Janueri 3, 2012.



David i bin stap olsem strongpela Siaman bilong Kurumbukari Lenona Asosesen (LOA) taim em i bin dai. David i bin wok strong long go pas long lukim gutpela bilong Ramu Nikel Project, developmen bilong komyuniti na maining indastri.


David em trupela man bilong toktok strong, luksave gut na bilip strong long Ramu Nikel Projek i kamap gut. Dai bilong David Tigavu em bikipela lus tru long olgeta lain husat i save long em.

Bikipela Tok Sori bilong mipela i go long meri bilong em Seta Tigavu, ol pikinini John, Robert, Elis na tumbuna man Wiemo, ol famili memba, Nokomboi traib, Dengekevei viles na ol Kurumbukari pipel husat em i save sanap makim.

Sol bilong David i ken painim gutpela Malolo long Heven.

Ramu NiCo Menesmen (MCC) Limited

Spot bilong 8-pela han na lek



PLANTI ol kantri long Esia (Asia), olsem Saina, Siapan, Indonesia, Filipins, Korea na Tailan (Thailand), i gat ol stail bilong pait ol tumbuna bilong ol i kamapim long bipo yet long lukautim ol long taim nogut na long taim bilong bikpela pait. Olgeta i gat wanwan save, astingting na stail bilong ol tasol i no olgeta i kamap olsem spots. Planti stap yet olsem samting bilong lainim tasol na holim i stap inap long taim yu bungim birua. Wanwan olsem, taekwando na judo bilong Korea, Karate bilong Siapan na Muay Thai bilong Tailan, i kamap olsem spots na i go raunim wol. Tete bai yumi lukluk wanpela long dispela ol masol at we i kamap olsem wanpela bikpela spot nau. Dispela at em Muay Thai o Thai boksing. (Thai boxing), we i kam long Tailan. Muay Thai long tok Inglis i min olsem at bilong 8-pela han na lek. Dispela em bilong wanem, Muay Thai save yusim, tupela han, tupela lek, tupela skru bilong han na tupela skru bilong lek long pait bilong ol. Sapos yu kanim dispela, em inap long 8-pela stret. Em i wanpela strongpela stail bilong pait we stap strong insait long kalsa bilong Tailan.

Histri bilong gem

Muay Thai kamap long wanpela olupela stail bilong pait long Tailan, ol i kolim, Muay Boran. Ol soldia bilong Tailan long bipo i save yusim dispela stail bilong pait taim ol i nogat samting bilong pait olsem naip na spia. I gat bilip tu olsem dispela tupela stail i kamap long wanpela olupela moa stail ol i kolim krabi krabong we ol i save yusim ol naip, spia na arapela samting bilong pait tasol. Bihain long dispela ol pait, ol soldia i go bek long ples na i save lainim ol yangpela long dispela stail bilong pait bai ol i ken lukautim ol wanwan ples na famili bilong ol tu. Gutpela bilong dispela pait i mekim em i kamap olsem wanpela spot tu we ol paitman bilong wanwan ples i save salens. Isi isi, dispela ol liklik pait i kamap olsem wanpela bikpela samting na i save kamap olgeta taim long ol tonamen na arapela bikpela bung. Bipo tru, ol i save pait han nating, ol i no save putim karamap long han. Bihain, ol i save raunim rop na sampela kain karamap long han bilong ol. Nem bilong dispela kain ol pait resis em muay khat chueak. Long 19 sensri (19th century), King Chulalongkorn (Rama V), i save laikim muay thai, na em i helpim long strongim dispela at. Muay Thai kamap olsem wanpela bikpela spot na olgeta manmeri lainim olsem wanpela rot bilong ekseais, lukautim ol yet na tu long helpim sindaun bilong ol.

Muay Thai long nau

Long nau, maui thai kamap wanpela profesenol spot long planti ol bikpela kantri long wol. Em i spot we ol profesenol pilaia save kisim bikpela mani long pait. International Muay Thai Federation (IMTF) na World Muay Thai Council (WMC) na In-


ternational Muay Thai Association (IMTA), em tripela long ol intanesenel ogenaisesen husat i save lukautim ron bilong Muay Thai insait long wol. Wanwan kantri save kamapim ol loa bilong Muay Thai we ol pait man long hap i save bihainim. Sampela i save kik, tromoi han na lek skru tasol, sampela i ken yusim skru bilong han tasol i no inap holim narapela paitman, na planti arapela. Long Tailan yet, ol i save bihain stret stail bilong pait we i stap bipo yet, dispela em long yusim olgeta samting long bodi bilong ol long pait. Em i wanpela pait spot we i gat bikpela namba bilong ol paitman i dai o kisim bagarap. Long dispela as, ol i save strongim ol paitman long trening strong na lukautim gut bodi bilong ol.

Stail bilong pait


Thai boksing i save kamap insait long ring olsem boksing na kikkboksing. Long bipo, ol i save pasim tasol rop o strongpela laplap long karamapim han taim ol i pait, nau, ol i save werim boksing glav. Dispela glav wantaim maus gad (mouth guard) na karampa bilong sangana em tripela samting tasol bilong lukautim bodi bilong ol paitman long ol profesenol pait. Ol i ken pait long han skru bilong han, kik long lek na skru bilong lek na tu holim pasim narapela paitman na tromoim em i go daun long graun. Pait i save kamap long wanwan raun olsem long boksing na kikkboksing tu na i save gat refri long lukautim pait, wantaim ol jas long kisim poin.

Muay Thai long PNG

I nogat maui thai long Papua Niugini yet tasol i gat wanwan man husat i lainim na i save long dispela pait. Wanpela profesenol Muay Thai paitman bilong PNG tasol em Lee "The Flash" Garap, husat i save go pait long Australia bilong wanem i nogat kompetisen na asosiesen long PNG. I gat kikkboksing long PNG, na planti ol PNG kikkboksa i pait pinis insait long ol intanesenel Muay Thai tonamen tu. Em i spot we i ken kamap long PNG olsem ol arapela masol ats tasol em bai bungim hevi tu olsem ol arapela masol ats sapos i nogat gutpela ples bilong trening. I mas i gat ol gutpela manmeri bilong lukautim na ronim dispela spot na tu ol gutpela save lain bilong skulim na trenim gut ol paitman long en.



PAWA: Muay Thai gat nem long ol strongpela kik bilong en.




LAINIM: Ol yangpela i lainim long pait.

PEN: Ol paitman i save yusim lek nah an skru long pait tu.



BUNG: Sampela ol sapota i bung wantaim tim bilong ol bihain long wanpela gem insait long Boroko lig long Mosbi. **POTO: Michael Boeo.**



TAKOL: Wanpela strongpla gem i kamap insaitl ong Boroko lig resis, bipo tasol long krismas. **POTO: Michael Boeo.**



BIKNEM: Tupela biknem man bilong masol ats husat i save kamap insait long ol muvi. Michael Jai White (lep han) na Don Wilson husat ol bai kamapim wanpela muvi long PNG wantaim bipo kikkoksa, Stanley Nandex. **POTO: I kam long Stanley Nandex.**



SALENS: Koriak Upaiga bilong Hekari United i traim long pasim Henry Fa'arodo bilong Koloale long O'lig gem bilong ol long Disemba, 2010, bipo tasol long krismas. **POTO: Nicky Bernard.**

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.

Williams laik go bek long NRL

RAGBI Wol kap senta bilong Nu Silan, Sonny Bill Williams, i laik go bek gen long NRL.

Williams i wok long tingting long joinim Sydney Roosters long 2013.

Ol bai baim em A\$800, 000 (moa long K20, 000) long wanpela yia.

Dispela mani em i antap moa long mak em i save kisim bipo long em i go long ragbi yunion.

Williams i bung wantaim sianman bilong Roosters, Nick

Politis na ekskutiv bilong Channel Nine TV, David Gyngell, las wik Sarere we ol i toktok na stretim dispela kontrak.

Em i gat kontrak long pilai wanpela yia wantaim Waikato Chiefs insait long Super 15 ragbi yunion resis tasol em bai lusim long go bek long lig.

Laspela taim Williams i pilai ragbi lig em long 2008, taim em i bin pilai wantaim Canterbury Bulldogs.

Em i lusim Bulldogs tasol na i no pinis kontrak bilong em, long go pilai ragbi yunion wantaim Toulon long Frens.

Williams i bin stap insait long Nu Silan tim we i winim wol kap long 2011 na i no bin inap long go bek long NRL bilong wanem i gat wanpela hap toktok insait long kontrak bilong em wantaim ol Bulldogs, we i tok em bai no inap pilai wantaim narapela NRL tim inap long dispela yia (2012).



KAM BEK: Williams i sainim kontrak long pilai wantaim Roosters long 2013.

Sampela samting long lukim long NRL dispela yia

I NO long taim bai NRL All Stars salens i kamap long of-sisen long statim ol gem bilong NRL dispela yia.

Hia em sampela ol samting we yu ken lukluk long en dispela yia long NRL.

Thurston long namba 6 jesi.

Long las 8-pela yia, Darren Lockyer tasol i werim namba 6 jesi bilong Kwinslen na Australia tasol dispela bai senis nau bihain long Lockyer i pinis long pilai las yia.

Man husat i putim han long kisim ples bilong em long dispela posisen em Kwinslen na Kangaroo hap bek yet, Johnathan Thurston.

Em bai statim yia bilong em long dispela jesi taim em i pilai faiv eit bilong ol Indigenous All Stars long gem bilong ol agensim NRL All Stars long Februari, dispela yia.

Mak bilong Wayne Bennett i stap yet.

Wayen Bennett i helpim ol Dragons long winim NRL primisip taitol bihain long namba tu yia bilong em tasol wantaim ol. Bipo long dispela em i winim 8-pela wantaim ol Broncos.

Em i lusim ol Dragons long las yia, bihain long tripela yia wantaim ol tasol ol save na strong em i givim ol bai stap yet.

Nau bai em i stap wantaim ol Knights na em i taim bilong ol long

kisim biknem gen aninit long nupela kosa bilong ol.

Bennett i no go nating tu, em i go wantaim sempion fulbek bilong Dragons, Darius Boyd na tu fowet, Adam Cuthbertson.

Long wankain taim bai em i bung gen wantaim bipo Dragons fowet husat i bin pilai aninit long em, Neville Costigan.

Kepten bilong Inglen bai pilai wantaim 'Dogs

I nogat planti pilaia bilong Inglen i save kam pilai long NRL tasol nau long dispela taim, i gat planti kam. Sampela long bipo em Tommy Bishop, Malcolm Reilly, Ellery Hanley na bihain Adrian Morley, Sam Burges bihain, Gareth Ellis na Gareth Widdop na nau em bikipela fowet na kepten bilong Inglen, James Graham, bai kam pilai long NRL wantaim ol Bulldogs.

Dispela ol pilai husat i kam long NRL em ol namba wan pilaia insait long kantri bilong ol husat i kam long putim mak bilong ol long nam-bawan kompetisen long wol.

Manly vs Bulldogs, raun 8

Dispela bai wanpela bikipela gem long dispela yia, we bai kamap long Anzac De wiken. Manly bai bungim bipo kosa bilong ol, Des Hasler husat i lusim ol long pinis bilong las yia.

Dragons Vs Wests Tigers, raun 3

Bihain tasol long ol i save olsem fulbek bilong ol, Darius Boyd bai no inap stap wantaim ol long 2012, ol Dragons i traim long kisim Tim Moltzen bilong Tigers.

Tasol bihain long sampela tok-tok, em i senisim tingting na i stap bek wantaim Tigers.

Nau bai em i bungim ol Dragons gen tasol sapos em i pilai long hap bek, em i noken tingting long ron tumas long ol fowet bilong wanem ol bai no inap isi long em.

Stet ov Orijin

Kwinslen i winim 6-pela stet ov orijin taitol insait long 6-pela yia stret.

Tasol nau bai yumi lukim sapos ol Maroons inap long mekim gen bihain long Lockyer i no stap moa long helpim ol.

Em i sans bilong Blues kosa, Ricky Stuart long strongim tim bilong em long kisim bek sampela gutpela luksave.

Ol Warriors

Planti yia i go pinis, ol i no save soim tru kala na strong bilong ol long gem tasol long 2011, ol i kamap ples kliia tru. Dispela i lukim ol i winim sampela ol strong gem.

Wampela long ol dispela em long semi fainol taim ol i winim Melbourne klostu long fultaim.

Ol i go insait long gren fainol na i lus long Manly.

Ol i ken kam bek strong gen long dispela yia.

Ol pilaia yumi no lukim long 2011

Sampela ol pilaia i no bin gat sans long pilai planti gem long 2011.

Sampela i no pilai liklik bilong wanem ol i kisim bikipela bagarap long bodi bilong ol.

Nau bai ol i orait na i ken kam bek long soim stail na save bilong ol gen long ai bilong ol sapota bilong ol.

Sampela long ol dispela pilaia em Michael Ennis, Nathan Friend, Michael Gordon, Roy Asotasi, Terry Campese, Mitch Aubusson, Sam Burgess, David Williams, Antonio Winterstein, Joel Reddy, Tom Learoyd-Lahrs, Martin Kennedy, Anthony Cherrington, Kevin Gordon, Jerome Ropati, Zeb Taia na Wes Naiqama.

Wokabaut bilong ol pilaia

Sapos tim bilong yu i lusim wanpela gutpela pilaia long las yia, bai yu wari liklik, tasol sapos tim bilong yu i kisim dispela pilaia i kam insait, bai yu amamas long dispela yia.

Sampela long dispela ol pilaia husat i wokaut em; Petero Civoniceva i lusim Penrith i go long Broncos, Darius Boyd na Adam

Cuthbertson long Dragons i go long Knights, Jamal Idris long Bulldogs i go long Titans, Chris Sandow long Rabbitohs i go long Eels, Bryce Gibbs na Andrew Fifita long Wests Tigers i go long Sharks, Todd Carney i go long Sharks, Kade Snowden long Sharks i go long Knights, Luke Douglas long Sharks i go long Titans, Jason Ryles long Roosters i go long Storm, Adam Blair long Storm i go long Wests Tigers, Nathan Friend long Titans i go long Warriors na Willie Tonga long Cowboys i go long Eels. Ol kosa tu i raun. Ivan Cleary lusim Warriors na go long Penrith, Brian McClennan bai kisim ples long lukautim Warriors, Des Hasler i go pinis long Manly na go long Bulldogs na Geoff Toovey i kisim ples bilong em long lukautim ol Sea Eagles.

Bipo asisten kosa bilong Storm, Michael Maguire i kisim ples bilong John Lang long South Sydney Rabbitohs bihain long em i kam bek long Super League long Inglen.

Lukluk long ol yangpela pilaia

Long 2011, In 2011 ol yangpela pilaia, Daly Cherry-Evans, Shaun Johnson, Tariq Sims na Jack Reed i pairap stret long NRL.

Dispela yia bai yumi lukim, husat ol yangpela pilaia bai putim mak bilong ol.



NUPELA POSISEN: Thurston bai pilai long faiv eit.

NUPELA PES: Evans em wanpela bilong ol yangpela pilaia husat i pairap stret long 2011.

Bung bilong PNG na Australia NRL

PAPUA Niugini Nesenel Ragbi Lig (PNGNRL), i laik kamapim wangepa bung we ol PNG klap i ken bung wantaim ol NRL klap bilong Australia.

Dispela em wangepa tingting bilong ol samting we PNGNRL i laik kamapim long dispela yia.

Jenerel Menesa bilong PNGNRL, Hubert Warupi, i tokaut long dispela long Disemba las yia.

Astingting bilong dispela bung em long ol klap bilong Australia na PNG i paitim tok long ol kain kain samting insait long gem na tu long wanwan klap bilong ol.

Ol i bilip dispela bai helpim PNGNRL long lainim planti ol samting long sait bilong kamapim na ronim gut ol Digicel kap gem bilong ol na tu ronim ol klap na ol pilaia.

Long wankain taim bai NRL o lainim tu sampela samting long sait bilong gem long PNG na ol hevi ol oge-naisa bilong gem na ol klap i save bungim.

PNGNRL bai kamapim tu wangepa trening bilong ol gem ofisol olsem ol refri na tas jas, long luksave na makim ol gutpela ofisol bilong lukautim gem long dispela yia.

Warupi tokaut tu long ol arapela samting we ol i laik kamapim insait long Digicel kap dispela yia.

Em i tok, ol i lukluk long dispela 10-pela tim husat i pilai long 2011 tasol ol i mas bungim ol samting we PNGNRL i askim long en

bipo ol i kam bek pilai gen.

"Dispela tupela samting em, mani bilong pilai na hom graun (home ground) o ples bilong pilai," Warupi tok.

Em i tok ol wok redi bilong gem long dispela yia i stat long Disemba, 2011 yet.

Astingting bilong ol em long statim ol pilai long Epril, dispela yia bai olgeta samting i pinis long Septemba stret olsem ol i laikim long en.

Warupi tok tu olsem 2011 sisen i bin wangepa yia we ol i lukluk na stretim planti ol hevi we i bin kamap na i lainim planti samting long en tu.

Dispela ol wok i lukim ol i strongim tu ol loa bilong gem we i helpim long daunim bikhet pasin bilong ol pilaia insait long pilai graun.

"Gem i wok long kamap gutpela na strongpela moa na tu planti moa manmeri wok long go long lukim gem," Warupi tok.

Em i tok Digicel kap em i semi profesenol gem olsem na mak bilong gem, ol pilaia klap ofisol na ol gem ofisol tu i mas go antap tru.

"PNGNRL i amamas tu long i gat gutpela sapot bilong ol gutpela sponsa long Pablik na praiwet sekta olsem mama sponsa, Digicel, South Pacific Brewery, National Gaming Control Board na ol arapela," Warupi tok.

Digicel kap i lukluk long kamapim planti moa gutpela na strongpela gem dispela yia.



WOKBUNG: Gutpela wokbung namel long Australia na PNG i ken strongpela ragbi lig. WANTOK POTO.

Hekari stap strong yet

HEKARI United i sanap strong yet insait long Nesenel Soka Lig (NSL) resis bilong dispela sisen, na i luk gut long winim bek taitol bilong gem.

Long laspela gem bilong ol long 2011, ol i daunim Tukoko University 5-0 long Lae we i pusim ol i go pas olgeta long ol arapela tim.

Na long stat bilong namba tu hap bilong sisen, long wik i kam (Jenuari 14), bilong raun 11, ol bai kisim malolo.

I gat 10-pela moa raun i stap bipo long ol fainols i kamap na sapos Hekari pilai wantaim strong na tingting bilong gem, em bai ol i gat sans long winim bek NSL taitol we ol i winim 4-pela taim pinis.

Hekari em i stap olsem wangepa strongpela na sempion tim bilong PNG long taim NSL i stat long 2006 inap long nau.

Insait long dispela 4-pela yia, Hekari tasol i winim olgeta gren fainol agensim planti ol arapela husat i strong na i go kamap long bungim ol long hap.

Long 2008-2009 sisen, ol i winim NSL na O'lig wantaim, na i go pilai long



STRONGPELA TIM: Hekari tim we i win long las yia. WANTOK POTO.

wol klap salens.

Ol i kamap namba wan PNG tim long mekim dispela.

Planti ol pilaia bilong Hekari go long ol arapela klap insait long PNG na Pasifik tasol planti ol bikpela pilaia husat i bin statim klap, is tap yet.

Ol ekspiens na save bilong ol long ol dispela bikpela gem long planti yia i go pinis, i strongim ol yet na ol i save yusim dispela tu long skulim na strongim ol arapela pilai husat i kam nupela insait long tim.

Bihain long malolo bi-

long ol long raun 11 bai ol i bungim Eastern Stars long Mosbi long raun 12.

Olgeta gem bilong ol long dispela raun i go inap long fainol bai soim sapos Hekari ken sanap antap long ol arapela klap gen o i go daun na nara-pela i kisim ples.

Em bai wok hat tru...

i kam long bek pes..

sapos em i abrusim na kisim silva o gol em bai nambawan samting tru bilong em na PNG.

Tona, 20 krismas, bilong Sentrol provins, em i wangepa pilaia tasol bilong Papua Niugini husat bai makim kantri long taekwando.

Em i kwalifai long go long Olimpiks las yia, long Nu Kaledonia taim em i go pait long Osenia Olimpik Kwalifaia we i kamap bihain long Pasifik Gems.

Namba wan taim bilong em long go long Olimpik Gems em long 2008 long Beijing, long Saina.

Em i tok dispela gem i bin givim em gutpela ekspiens na save long piai long dispela level na nau bai em i putim moa strong na hatwok insait long ol trening na pait bilong em.

Nau yet, Tona i wok long trening tripela de insait long wangepa wik, long Lamana hotel long Mosbi.

Long pinis bilong dispela mun bai em i go stap na trening long Melbourne, Australia bipo em i go long wangepa pait long Germany long Mas tri na narapela long Vietnam bihain long dispela yia.

Taim em i stap long Australia bai em i stap insait long ol tonamen tu.

Tona i tok, em i gutpela long em i go long planti ol intanesenel pait bipo long Olimpik Gems, bai dispela i helpim em long redi gut tu.

"Planti long ol dispela Olimpik

pilaia i save go long dispela ol intanesenel gem olsem na em bai gutpela long pilai agensim ol long dispela ol tonamen bai mi ken lainim long pait wantaim ol na tu kisim gutpela salens na ekspiens long kain ol gutpela pilaia olsem," em i tok.

Tona i tok wankain i mas kamap long ol arapela spots husat i laik kisim moa ekspiens na save bipo long ol i go long wangepa bikpela gem olsem.

Olimpiks bai kamap long Julai 27 i go long Ogas 12 long London na Tona bai pait insait long 49kg divisen bilong ol meri.

Long las wik, Tona i kisim luksave bilong Digicel PNG olsem namba tu spots man o meri bilong kantri husat bai karim nem na makim dispela bikpela fon kampani.

Digicel i gat tripela manmeri husat ol i kisim long makim ol, Nelson Stone bilong, etletiks na Tona em tupela bilong spots na George Tau em long sait bilong danis.

Pablik Rilesens Menesa bilong Digicel, Jayleen Morris, i tok, ol i amamas long kisim wangepa sempion pilaia olsem Tona i go long wokbung wantaim ol na ol bai sapotim em gut tu.

"Mi amamas long dispela luksave na em i gutpela salens bilong mi tu.

"Em givim strong long mi long bilip long mi yet na wanem samting mi wokim long ai bilong pablik," Tona i tok.



NEW PREMIUM TUNA

DIANA

PROUDLY **PNG MADE**

DIANA Diana Diana Diana Diana

DIANA Diana Diana Diana Diana

Tona laikim Olimpik medol

Em bai wok hat tru

BIKPELA WOK: Tona i tok em bai wokhat long traim na winim wanpela medol.

Andrew Molen i raitim

THERESA Tona i gat bikipela tingting long winim wanpela medol long Olimpik Gems long London dispela yia.

Em i tok dispela bai no inap isi long mekim tasol em bai wokhat tru long trening na ol arapela pait bilong em long redim em gut long dispela bikipela gem.

Tona i save olsem em bai no inap isi long kisim gol o silva medol tasol em i putim

ai tasol long kisim brons medol.

Em i tok Olimpik Gems i strong tru olsem na em i makim brons bai em i noken planti presa long em yet, tasol

Moa long Pes 27.



POTO: ANDREW MOLEN

Johnston's Pharmacies



For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**